

KU AMUKELA NDLELA LEYI

YI NGA NYIKA HI XIKWEMBU

ENKARHINI WA MAKUMU

¶ [Makwerhu Carl Williams a ku, “Ku njhani, Makwerhu Branham?”—Muhleri.] Ku njhani, Makwerhu Carl? Swi kahle. Ndza nkhesa. [Makwerhu Williams a vulavula ni nhlengeletano, “Mi nga tshamisa, ndza kombela.”] Susumetela xitulu xin’wani endzhaku. Swi kahle. I xa mina xana? [“Ina.”] Yhu! Hi lexi lahawani.

2 Kunene, hakunene swi kahle ku tlhela hi vuya endlwini ya Hosi, madyambu lawa, kutani ngopfu–ngopfu ya lawa, hikuva ndzi vile ni nkateko wa ku katekisa yindlu ya leyi ya Hosi, nkarhi lowu nga hundza, loko Makwerhu Sharritt wa hina wa nkoka a tava a akile ndzhawu leyi. Kutani hi yi katekisele eka Hosi leswaku yi va ya xikhongelo xa Yona. Nakona swi kahle ku va endlwini ya Xikwembu minkarhi hinkwayo. Xana a hi swona xana? [Nhlengeletano yi ku, “Amen.”—Muhleri.] I ndzhawu ya ntiyiso ya kahle kuva eka yona.

3 Kutani ehansi lahawani endzhawini ya gwitsi, kwalaho hi laha ku... Ndzi tile lahawani ku tsutsuma maxelo yo titimela, kutani ndzi tlhele ndzi kumeka eka wona. Madyambu ya tolo ndzi vule leswaku, “Ndzi pfumela leswaku a ndzi mi telanga na rona khombo leri.” Kunene, ma swi tiva, va ri ximumu xi teke xixika xa xona xi ta xi wisisela lahawani. Kumbexani xixika xi tele ku ta languta endzeni ka xona, ku vona leswaku xi kuma yini xi famba na swona. Kambe swi kahle ku—ku va lahawani minkarhi hinkwayo.

4 Hi minkarhi hinkwayo ndzi ni—ni ku khumbeka hi Phoenix, ku sukela loko ndza ha ri xijahetani. Ndzi rhandza Phoenix. Kutani Phoenix a yi ri ndzhawu ya mina yo sungula laha ndzi nga tshama ndzi chumayeleta vanhu lava a va nga ri va rixaka ro basa ra vanhu. Valava a va ri Makula. Ndzi yile evuhlayiselweni. Ndza tshembha leswaku ku nga hava ku ri ni vanhu lahawani madyambu lawa lava switsundzukaka loko ndzi tava ndzi endlerile Xikwembu xitshebbiso eka platifomo: xa leswaku loko Xi nga hanyisa xilovekelo ni wansati wa TB, ndzi nga ya evuhlayiselweni ni ya—ya chumayeleta Makula. Kutani va ndzi tsundzuxile hi swona. Kutani ha vumbirhi bya vona va hanyisiwile. Kutani ndzi yile eApache Reservation, kutani kwalahaya Hosi yi hi nyikile ku hlula lokukulu.

⁵ A ndza ha ri ehleketi vito ra wansati loyi a nga hanyisiwa mfukudzani kwalahayani. Yi vile mhaka leyi nga helela empfukeni. Ndzi pfumela leswaku a ri mumixinari kwalahayani, eka Assemblies of God, hi leswi ndzi swi tsundzukaka sweswo. Hi fambile na yena, Mitchell. Kutani hi rona lero. Xana ku ngava ku ri ni un'wana loyi a ri kona eka nhlengeletano leyi a yi ri kona evuhlayselweni lebyiya, hi vusiku byebyo xana? Ndzi ehleketa... Ina. Hi swona sweswo.

⁶ Ndzi—ndzi anakanyile leswaku a ndzi ya eku lwisaneni na yona. Ndzi—ndzi ngaka ndzi nga va endli leswaku va nga twisisi leswi a ndzi swivula. A ndzi nge byi rivali vusiku byebyo. A kuri ni...endzhaku ka loko ndzi chumayerile swintsongo, ni ku va byela hi Kreste. A ndzi yimile eswitepisini swa holo ya vufambisa bya rito. Kutani va kumile ndhawu yi tele, kutani hinkwavo ka vona a vari ehandle. Swingaleswi a ndzi ri eku vulavuleni na vona. Kutani xin'wani lexi nga helelangiki, vusiku byebyo, a kuri makwerhu wa—wa mudyuhari wa Mukula loyi va n'wi tiseke a ri eka bodo, kutani hinkarhi wun'wana wa matakuxa. Kutani a va—va tsakamile, hilaha va nga famba va pela na—na nambu. Va yi petsile va yi veka ehansi lahaya, kun'wana, va n'wi nghenisa.

⁷ Ndzi vutisile nakulorhi lontsongo. Ndzi ku, "Xana a wu chavanga leswaku u ta khomiwa hi nyumoni xana?"

A ku, "Yesu Kreste wa ndzi hlayisa. Ndzi tisa papa mina."

"Swi kahle." Ndzi ku, "Wa pfumela leswaku u ta hanyisiwa xana?"

"Ina."

⁸ A ri eku rhurhumeleni hi ku khonyana swirho. Vafana vambirhi a va n'wi rhwele. Ndzi n'wi khongelerile mukhalabya.

⁹ Endzhaku nyana ndzi twile xin'wani xi ri eku cemeni. Ndzi langutile ehansi; mukhalabya a ri ni pulanga enhlaneni wa yena, ri ri karhi ri famba-famba, a ri karhi a yimisela un'wana na un'wana voko. Ntsena ripfumelo ro olova ku pfumela, hi swona hinkwaswo ri swi lavaka.

¹⁰ Ndzi tsundzuka vusiku byebyo, xikhekhudyani xa kahle xa Mukula, a xi lukile misisi ya xona yi leha yi ya ehansi. Kutani a xi famba hi tinhonga, kutani a tilo endliwa ekaya, a ti, a ti fana ni tinhonga ta nkukulu ti ri ni xiphemu xa bodo ehenhla ka tona, tani hi mbirhi hi andzisa hi mune, kutani tiphatseriwile hi malapi. Kutani, hi ntiyiso, a ku ri yena loyi a landzela... A ri elayinini, a ta a huma endzeni ka muako. Kambe a kuri ni lexi ntsongo, xifanyetani xa Mukula, lexi a xilanguteka xi ri nakulorhi wo tiya. Xi rhangerile hi nkawo ku nghena, ku ti kuma xi ri elayinini.

Kutani xikhekhudyani a xi ri ku ringeten i ku humesela tinhonga ehandle. Kutani xi vonile vambirhi kumbe vanharhu va hanyisiwa xi nga si fola layini.

¹¹ Hi loko ndzi ehleketa, loko a tava a ndzi langutile, ni loku kulu ka vona, ku konya loku kulu, kutani mihioti yi xiririka hi le mikanyan'weni ya marhama ya xona, ndzi ehleketa, "I manana wa un'wana." A ndzi kalanga ndzi vula ni rito ni rin'we eka yena, a ndzi kalanga ndzi n'wi khongelela, a ndzi endlangi nchumu. U lo ndzi languta ntsena. Tani hiloko a swi endlile, ntsena u ndzi nyikile tinhonga ta yena a tifambela, hi ku olovisa xisweswo ntsena.

¹² N'wana wa mina ule ku ringeten i ka ku ndzi pana lahayani. Xana mi swi twa kahle sweswo xana? Ndzi hlayile xitorhi namuttha hi—hi—hi nguluve leyi yi yisiweke exivandleni xo hlawuleka, nakona ndza pfumela leswaku mi swi xiyisisile. [Un'wana u lulamisa xiteka—marito eka Makwerhu Branham—Muhleri.] Sweswi, swa antswa sweswo, hi mukhuva wun'wana. Sweswo i ndlela leyi vutomi byi fambisaka xiswona. Ndzi ni mafundzu yo hlaya eka vona hi ndlela yi n'wana, a hi swona xana?

¹³ Sweswi vanhu va yimile, nakona—nakona a hi—a hi lavi ku dya nkarhi wu n'wana ku tlula hi laha hi nga pfunaka. Nakona mi vanhu va kahle, ku kondza ntsena ndzi—ndzi nga ha vulavulaka nkarhi lowo leha na n'wina.

¹⁴ Kutani hi lahayani hi ku endza ni ma Full Gospel Business Men's Fellowship. Kutani nhlengelatano yo sungula a yi khomeriwile eRamada, ku sungula hi xiphemu xo hetelela xa.... A hi voneni, xana i siku rihi? [Un'wana a ku, "Makume mbirhi-mune."—Muhleri.] Makume mbirhi-mune. Makume mbirhi-mune ku ya eka makume mbirhi-nhungu, eRamada Inn. Kutani ku tava ni swivulavuri swin'wani swo hlamarissa kwalahaya, Makwerhu Oral Roberts ni van'wani lavo tala. Kutani mina... Minkarhi hinkwayo hi ni nkarhi wa kahle. Leswaku, loko vanhu va hlangana kun'we tani hi sweswo, hi ni nkarhi wa kahle eka Ramada Inn leyi.

¹⁵ Swi nga ha endleka leswaku Makwerhu Oral ya loye na mina hi khoma xikhongelo xa ku hanyisa kwalahaya. A mi nga swi vuli. Ntsena sweswo swi tava swi ri kahle. Ina. Swingaleswi—swingaleswi a hi—a hi se tshama hi va ni xikhongelo lexi kun'we. A ndzi swi tivi leswaku u ta swi teka njhani loko hi va na xona, yena na mina kun'we, kambe ndza swi tsakela. Loko a nga yima na mina, hikokwalaho ka yini, hi ta ringeta, kutani hi khongelela vanhu lava vabyaka.

¹⁶ Kutani a hi ngari eku khomeni ka swikhongelo swo hanyisa, loko mi swi xiyisisile. A hi ngari eku maphakeni makhadi ya xikhongelo kumbe swin'wani, hikokwalaho ka ntlimbano wa tikereke letintsongo, ma swi tiva. Kutani vanhu, a swi nga ta

mi tikela ku nghanisa vanhu ni ku va humesa. Kutani loko mi swi endla, swi endla leswaku ku va ni hlengaletano leyi yi nga hlanganana, kutani mulanguteri wa ndzilo a ngaka a nga swi amukeli sweswo. Swingaleswi ntsena hi tlurile swikhongelo swo khongeleta vavabyi ekule eka tinhlengaletano, ntsena hi ringeta ku nghanisa leswi oloveke, Hungu nyana ra Evhangeli. Eka... Kutani vukona bya n'wina, ni ku tirhisana na mina, ni swikhongelo swa n'wina eka mina, swi ndzi hloholotelos leswaku ndzi va lahawani. Kutani ndza tsembha leswaku mahungu nyana lawa ya mi hloholotela ku ya emahlweni, leswaku mi hanyela Kreste.

¹⁷ Kutani ndza xiyisisa, minkarhi yo tala, vanhu va huma ekerekeni yin'wana va ya eka yin'wani. Kutani sweswo swi hi endla leswaku hinkwerhu hi tolovelana, kutani—kutani ntsena hi kumeka tani hiloko... hi ri na vuchomi eka un'wana na un'wana. Ndzi tsakela sweswo. Hi nga ha tshama swin'we lahawani, etindzhawini tale Tilweni, hikuva hi ya endzhawini ya muxaka walowo laha hi nga tava swin'we endzhawini yale Tilweni, eTilweni.

¹⁸ A kuri na ntila nyana wa ku sola lowu ndzi wu kumeke siku rin'wana eka papila. Wu nga ha swi hundza loko ha hari ni maendlelo yo tshamisisa vutitwi bya n'wina. Muvuri wa rito un'wana ni un'wani wa swi tiva, mi fanele ku vula swin'wani, maendlelo ya kuva mi tilulamisa eka vayingiseri, ni vayingiseri eka n'wina. A ku ri ni...

¹⁹ Van'wamabindzu va xi vekile xifaniso eka... Business Men's Voice, ya—ya leyintsongo... ndzi ehleketa leswaku ntsena hi nga swi vitana xivono. Nakona a swi hambanile, hi ntoloveloo, eka swivono leswi ndzi nga va na swona. A ndzi ri... ndzi tekiwile laha a ndzi ri kona, ehenhla. Langutani, a swi nga languteki ku ya ehenhla nyana ngopfu ku tlula lwangu ra muako walowo. Kutani kwalahaya a ndzi ri endzhawini yin'wana laha ndzi nga vona hinkwavo lava nga hundza. Vo tala va n'wina mi yi hlayile atikili leyi, ha kunene. Kutani kwalahaya, endzhaku ka loko A ndzi byerile leswaku va... leswaku a va ri vamani, kutani hinkwavo a vari lavantsongo nakambe. Kutani hi ntiyiso a va ri...

²⁰ Minkarhi hinkwayo ndza chava ku fa. Ku ngari leswaku ndzi chava ku lahleka, kambe a ndzi swilavi ku va moyo. Ntsena ndzi lava... ndzi lava kuva munhu, munhu. Hikuva, ndza swi twisisa minkarhi hinkwayo tani hi munhu, ndzi tlhavulana mavoko na vanhu. Ndzi nga ha ehleketa, "Xana ku nga humelela yini loko ndzi fika lahayani ni hlangana na Makwerhu Rose wa xinuna, kutani a va a ri lontsongo, papa lero basa kumbe xin'wana xana? Ndza swi tiva leswaku i Makwerhu Rose wa xinuna, hi switwi swin'wana, kambe ndzi ngaka ndzi nga swikoti ku tlhavula voko ra yena. Ndzi ngaka

ndzi nga swikoti ku vulavula na yena. Kumbe . . ." Ndzi—ndzi nga hlamala, "Xana sweswo swi ngaka swi nga chavisi ngopfu xana?" Kambe, ndzi ehleketa, "Loko ndzi ta tlhelela endzhaku, hi ntiyiso, ndzi tava ni ku pfuxiwa."

²¹ Tsalwa lero a ri kalanga ri humeleta eka mina ekusunguleni, lero, "Loko tabernakele leyi ya laha misaveni yi nga herisiwa, hi ni yin'wana leyi yi hi rindzeleke."

²² Swingaleswi mixo wolowo, ndzi pfukile. A ndzi ri eku ehleketeni, "Jaha, u ni makume ntlhanu wa malembe hi vukhale. Loko hileswaku mi ya eku endleni ka swin'wani mi endlela Hosi, swa antswa mi hatlisa. Mi ta dyuhala ku ngari khale, endzhaku nyana."

²³ Kutani xikan'we-kan'we, ndzi tekeriwe ehenhla endzhawini leyi, kutani a ndzi kota ku languta ehansi lahawani. A ndzi se tshama ni va na ntokoto walowo. Minkarhi yo tala ndzi vile ni swivono swa ku tivona ndzi yimile ku n'wana, kutani swingaleswi . . . Oho, loko mi nga swi twisisi, mi ta ehleketa leswaku mi lahlekeriwile hi miehleketo ya n'wina. N'wina, mi kona *lahawani*, mi ti vona mi ri *lahayani*. Kutani mi suka *lahawani*, kutani n'wina mi ri ka n'wina *lahayani*. Aha. Kumbexani swi nga va swa nkari lowu nga hundza, malembe lama taka, ni ku ya emahlweni. Swa nonowha ku swi hlamusela. Mi ngaka mi nga swikoti. Mi ngaka mi nga swi hlamuseli.

²⁴ Mi ngaka mi nga xi hlamuseli Xikwembu. Mi fanele ku Xi pfumela. Wa vona? Loko mi nga xi hlamusela, swingaleswi ripfumelo a ra ha ri kona. Ntsena mi fanele ku xi pfumela.

²⁵ Kutani endzhaku ka loko Xi ndzi byerile, ndzi vonile vanhu lava hinkwavo, nakona va ri . . . A va ri ni mimiri. Vona . . . A ku nga hari ni vudyoho. Vavanuna na vavasati . . . Vavasati lava a va ri ku ndzi vukarheni, nakona a va ri vavasati. Kambe a swi nga ha endleki leswaku ku nga ha va ni xidyoho nakambe, hikuva, wa vona, tiglende ta mimirhi ya hina ti ta nciciwa lahayani. Hi ni . . . Hi ni rimbewu leri hambaneke sweswi, hikuva lero hi leri ri tswalaka misava, ni vukati bya—hina lebyi byi tisaka vana. Kambe lahaya a ku nge hevi ni xilaveko xexo. A ku nga ha tswarewi vana. A hi nga havi ni tiglende ta rimbewu eka missava leyi ntshwa, wa vona, a swi nge hevi kona hinkwaswo. Kambe, hambi swiritano, wansati u tava a hari wansati, hi xivumbeko. Ni vavanuna vatava vavanuna. Kambe ku tava ku nga ha ri na xinuna na xisati exikarhini ka vona, hi ndlela yaleyo. Kutani tiglende ta vona a ti nga havi kona endzeni ka vona, swingaleswi a ku nga havi ni ndlela yin'wani eka Sathani leswaku a nga ha va vekela xirimbanii eka vona. Swingaleswi, eka sweswo, ndzi swi xiyisisile.

²⁶ Vavasati lava va ndzi tsutsumerile va fika va ni haketela, va ku, "Makwerhu wa hina wa nkoka, ndzi tsakile hikuva

u lahawani.” Swingaleswi, a swi hlamarisa. Hinkwavo ka vona, lavantsongo, votala hinkwavo a vari vavasati lavo saseka ngopfu, va ri na misisi leyo leha, va ambele tinguvu leto leha, ma swi tiva, tani hi swivungu-vungu, ku fana ni swivungu-vungu swo basa swa siliki. Kutani a va languteka va sasekile njhani!

²⁷ Kutani hi lava vamakwerhu va taka, ntsena... Kutani vavanuna va kahle va mpohlo lava ndzi nga se tshamaka ndzi va vona, hinkwavo ka vona a va languteka va ri ni malembe ya makume mbirhi hi vukhale. Kutani mahlo ya vona, a ya vangama. Vona, oho, ntsena a vari na ntikelo wale hansi eka vanhu. Kutani ndzi hlamarile. Kutani a va ndzi tlakulela ehenhla ni ku ndzi vukarha va ri karhi va ku, “Makwerhu wa hina wa nkoka.”

²⁸ Ndzi hlamarile leswaku njhani. Ndzi langutile ehansi kutani ndzi tivona ndzi ri ehansi *lahawani*, hambi swiritano, ndzi etele ehansi. Kunene, sweswi, ndzi ehleketa, “Sweswo swa chavisa.” Kutani ndzi vutisile.

²⁹ A ku ri ni manana wo rhandzeka loyi a ta, a lahlela mavoko ya yena eka mina, a ku, “Oho, Makwerhu Branham, swi ngaleswi hi tsakile loko u ri lahawani, makwerhu wa hina wa nkoka.”

³⁰ Ndzi n’wi langutile, tani hi loko a ri karhi a tlhela. Kutani Rito leri ri nga vulavula na mina, ri ku, “Xana a wu n’wi tsundzuki xana?”

Ndzi ku, “A—a ndzi n’wi tsundzuki.”

Ri ku, “A hundzile malembe ya makume nkaye loko u n’wi tisa eka Kreste.”

³¹ Kutani kwalahayani a ri kona, a ri mbhuri yo hetelela ndzi nga yi languta, hi ndlela ya ku va wansati. Kutani ndzi ku, “A swi hlamarisi loko a te ‘Makwerhu wa nkoka.’” Wa vona? Sweswi a nga ta ncinka nakambe. U tava hi ndlela yaleyo hi laha ku nga Heriki.

Ndzi ku, “Ndzi lava ku vona Yesu.”

³² Ri ku, “U le henhla nyana ka laha. Siku rin’wani U ta vuya, kutani u ta avanyisiwa hi Evhangeli leyi u yi chumayileke, hikuva u murhangeri.”

Ndzi ku, “Kunene, xana Paul u ta fanele ku avanyisiwa hi ntshungu wa yena xana?”

Ri ku, “Ina.”

Ndzi ku, “Ndzi chumayerile Evhangeli leyi fanaka na ya yena. Ntsena hi laha a Yi vuleke ha kona, sweswo hi leswi ndzi Yi vuriseke xiswona.”

³³ Kutani timiliyoni ta marito ya vona ti huwelerile ti ku, “Hi wisele eka Yona.”

³⁴ Swingaleswi leswi nga tolovelekangiki swi humelerile. A ndzi toloverile ku va ni lexi ntsongo, hanci leyi a ndzi yi gada, kutani a—a ndzi yi vitana Prince. Ni hi laha a ndzi xi rhandzisa xiswona xihancani xexo. A ndzi toloverile ku famba hi yona mixo wun'wana ni wun'wana, ku ya exikolweni, ku ya kambela lomu ni nga rhiya. Kutani ndzi vonile xihancani lexi xi ta eka mina, xi fika xi vekela nhloko ya xona ekatleni ra mina, yi puluta. Kutani ndzi yi bambeterile. Ndzi ku, "Prince, ndzi swi tivile leswaku u tava u ri lahawani." Kutani ndzi twa xin'wani xi natswana voko ra mina. A yi ri mbyana ya mina ya ximakwa. Yi ndzi yisile exikolweni, yi ndzi nyika swi ambalo swa mina, swo hilota. Ndzi ku, "Prince, kumbe Fritz, ndzi swi tivile leswaku u tava u ri lahawani na wena."

Kutani ndzi twile swin'wani swi humelela. A ndzi ri ku tlheleleni endzhaku.

³⁵ Sweswo swi tsariwile eka Christian Business Men's Voice. Kutani muministara u ndzi tsalerile siku rin'wani. A ku, "Ndzi xi amukerile xivono xexo, Makwerhu Branham. Xi twakarile xi ri kahle ku kondza u vulavula hi tihanci. Tilo ri endleriwile vanhu. Ku hava swo tani hi sweswo tani hi tihanci e Tilweni."

³⁶ Kunene, ndzi ku, ndzi n'wi hlamurile. Ndzi ku, "Makwerhu, a ndzi kalanga ndzi ku a ndzi ri eTilweni. A ndzi ri eku vutisemi laha Yesu a nga kona, kutani A ha ri halahaya." Ndzi ku, "Kambe loko swi nga ku pfuna nyana, buku ya Nhlavutelo, yi ri, 'Loko Yesu a ta siya Matilo yale matilweni, A famba hi hanci yo basa.' Kutani mavandla hinkwawo ya Tilo a ya ri eku N'wi landzeni, hi ti hanci to basa. Wa vona? Swingaleswi ya lawa a ya huma e Tilweni ra matilo."

³⁷ Kutani leswi swi nga ndzi endla ndzi ti twa kahle, loko ndzi tava ndzi sungule ku tlhelela endzhaku, U teri, "Hinkwaswo leswi u nga tshama u swi rhandza, ni hinkwaswo leswi swi nga tshama swi ku rhandza, Xikwembu xi ku nyikile swona."

³⁸ Siku rin'wana leri ri phatimaka, eka tlhelo lerin'wani, ri tava rihambanile. Ntsena a ndzi swi koti... Ntsena a mi nge swikoti ku swi fikelela, vanhu, ku kayela ndzhawu yaleyo. Mi nga yi kayeli. Hinkwaswo leswi mi swi endlaka, endlani... Mi nga chavi. Ku hava xivangelo xa kuva mi chava. Ku hava lexi xi nga mi chavisaka.

³⁹ Oho, loko ndzi ehleketa ku vuyela endzhaku, swi ndzi khomisile vusiwana. "Xana ndzi ta fanela ku tlhelela endzhaku nakambe xana? Xana ndzi ta fanela ku thlelela endzhaku, kona kwalahaya ndzi ku chavaka ku va kona xana?" Wa vona? Kutani swingaleswi loko hi ta eka miri lowu wu pfuxiweke, kutani hi ta dya hi tlhela hi nwa. A va nga dyi na ku nwa. A va nga ri na xilaveko xa ku dya na ku nwa. A va ngayi helo, nakona a va nga karhali. Ntsena a ku ri... A kuri hava rito leri a ndzi ta ri tirhisa. A swi hetisekile; sweswo a swi nga ta swi

endla. A swi hundzile eka leswi ndzi swi vitanaka ku hetiseka. Ntsena va—va fikile, sweswo a kuri swona, e—e ndzhawini yaleyo, nakona a yi sasekile.

⁴⁰ Swingaleswi, oho, yingisani, vanghana. Ndzi—ndzi pfumela leswaku a ndzi lahlekeriwanga hi miehleketo, nakona ndza—ndza—ndza swi tiva leswaku swi twakala swi chavisa. Kambe a ndzi swi kotanga, nakona a ndzi kalanga ndzi swi ringeta, ku swi hlamusela vanhu swilo leswi. Swilo swo tala leswi.... A swi hlamuselki. Kutani ntsena u nga pfilunganya miehleketo ya vanhu. Kambe loko ndzi nga swikota, ni ku ti twela ku swi endla, swi tava leswi nga na huwa.

⁴¹ Kambe xiyisisani leswi. Ndzi vula leswi. Mi nga chavi. Rifu ro va ntsena wukuwuku leri ri nga chuhwa, ri ringetaka ku mi yisa ekule mi suka eka swin'wana. Mina, swa kwetsima swinene! Swi tlula hinkwaswo leswi mi nga swi ehleketa. A swi hlamarisi loko Bibebe yi teri, "Tihlo a ri vonanga, ndleve a yi twanga, hambi kuri kuva ri nghena etimbilwini ta vanhu lava Xikwembu xi nga na vona evuhlayiselweni lava va Xi rhandzaka." Oho, ntsena ku langutisa nkarhi lowu wu hundzaka wa khethenisi! Swingaleswi, ndzi swi ringetile hi kutika ku tlula hi laha swi nga tshama swi va xiswona evuton'wini, ku ringeta ku tisa vanhu eka Kreste, kusukela nkarhi walowo. A mi nga ta swi kota ku swi kayela. Mi nga swi kayeli. Vanani ni ntiiyiso wa leswaku mi kahle ni Xikwembu, kutani swilo hinkwaswo leswin'wana swi tava kahle.

⁴² Sweswi, ntsena ndzi na tinotsi nyana ndzi nga ti tsala lahwani, ndzi ehleketa leswaku ndzi ta vulavula nyana swintsongo hi tona. Kutani ndzi ehleketa leswaku vusiku bya mundzuku hi tava hi nga ri kona, mpfhuka lowu ringanaka kwalomu ka makume mbirhi wa timayile ku suka lahwani, kumbe ku tlula. Mesa, ndzi pfumela leswaku hi kona. Mesa. Xana hi kona a Mesa xana? Mesa. Kutani hi vusiku lebyi landzelaka hi tava eTempe, Tempe. Kutani ndzi ni xedulu lahwani exikhwameni xa mina, lexi xi humaka eka phepha leri Makwerhu Williams a nga ndzi nyika. Kambe, a ndzi ri bizi swinene, a ndzi kalanga ndzi ri languta. Ntsena Billy o ta a ta ndzi teka, a ku, "Hi ya ko *karhi-karhi* ni ko *karhi-karhi*, kutani hi ya kona." Kutani loko hi fika lahwani, kutani u ringeta ku ndzi hlamarisa. [Nhlegetano yi hleka—Muhleri.]

⁴³ Sweswi, xana hikwerhu hi ti twa hi kateka xana? Mi nge, "Amen," loko mi ri tano. [Nhlegetano yi ku, "Amen."—Muhleri.] Swi sasekile hi ntiiyiso. Swi kahle. Sweswi, a hi korhamiseni tinhloko ta hina sweswi.

⁴⁴ Tani, ntsena hi ni, vutitwi nyana bya hina bya vumunhu ni leswi swi byi hlamuselaka. Hi vana, hi nhlegetanile kun'we hi vulavula tani hi vana. Kutani hina.... Hambi Xikwembu xi ni vutitwi bya vumunhu, ma swi tiva.

⁴⁵ Swingaleswi a hi korhamiseni tinhloko ta hina sweswi hi vulavula na Xona hi nga si hlaya Rito ra Xona. Loko ha ha korhamisile tinhloko ta hina, xana ku ngava kuri ni lava va nga na swikombelo eka xikhongelo? A hi swi tiviseni hi ku yimisa mavoko ya hina. Xikwembu a xi mi katekisi. A hi korhamiseni tinhloko sweswi.

⁴⁶ Tatana wa hina wale Matilweni, hi ta eVukoneni bya Wena sweswi tani hi loko hi korhamisile tinhloko ta hina ni timbilu hi vumunhu. Ha tshunelela hi ripfumelo, ku hundza en'wetini na tinyeleti, ku ya fika eXiluvelweni xa Xikwembu, hi Vito ra Hosi Yesu, hikuva hi ni ntysiwa wa leswaku loko hi ta hi Vito ra Yena hi leswaku U ta hi yingisela. Hi ta amukeriwa eVukoneni bya Wena hi Vito ra Yena. I nkateko wa njhani wa lowo, wa ku tiva leswaku hi amukelekile eVukoneni bya Xikwembu, hi Vito ra Yesu Kreste.

⁴⁷ Kutani U hi byerile, Tatana, leswaku leswi hi nga ta swi kombela hi Vito ra Yena, leswaku Wena, hi ntalo wa ntwelavusiwana ni tintswalo ta Wena, u nga hi rivalela swidyoho swa hina kutani u hi nyika ku navela ka hina. Tatana, swingaleswi hi tsakile hikwalaho ka sweswo. A ku na nchumu wun'wani lowu hi nga wu ehleketa, lowu wu nga na nkateko lowukulu, ku tlula kuva na nkateko lowu.

⁴⁸ Wu tava wu ri nkateko eka hina vaaki va Amerika ku tshunelela presidente wa hina. Ni hinkwaswo leswi hi fanelaka ku swi endla, kuya emahlweni, ku tshunelela presidente ntsena xinkadyana, leswaku hi teka xinkadyana eka tixedulu ta yena leti ti nga ekutirheni. Hi ta fanela ku famba hi tihofisi, ni—ni hi tindlela hinkwato, leswaku a kota ku fika, nakona hi ta fanela kuvula swivangelo swa hina, nakona—nakona hi ta fanela ku kamberiwa hi nga si kuma nkateko wolowo.

⁴⁹ Kambe, ku ehleketa hi swona: Xikwembu, Mutumbuluxi wa matilo ni misava, xi hi rindzerile leswaku hi xitshunelela. Hina, vadyohi lava nga faneriki, Xi hi rindzerile leswaku hi tshunelela hi Vito ra Hosi Yesu, hi ri ni xitshembhiso xa leswaku hi ta nyikiwa leswi hi nga ta swikombela, loko hi nga pfumela ntsena leswaku hi ta swi kuma. Swingaleswi, hi ta languta swikombelo swa hina kahle ni ku tiva leswaku a hi vulavuli hi vuphukuphuku kumbe ku kombela hi vuphukuphuku. Kutani loko hi swi endla, ha khongela leswaku U hi rivalela, Hosi.

⁵⁰ Kutani hi le ku kombeleleni ntwela-vusiwani ehehleni ka mavoko lama yimeleke ehenhla madyambu lama. I ngaku swikombelo swa vona swi nga hlamuriwa, Hosi. Leswaku va nga ha twa xitshembhiso etimbilwini ta vona sweswi, loko ha ha ri eVukoneni bya Wena. Leswaku, loko hi tsipunula mahlo ya hina hi ololoxa tinhloko ta hina ku

suka entshurini, wona lowu U nga hi vumba ha wona, hi nga hatwa xitshembhiso xexo lexi ngheneke lexi hi nga nyikiwa xona lexi hi nga xi kombela.

⁵¹ Hikombelela ni lava, Hosi, kumbexani emuakwini madyambu lawa, lava vo ka va nga tanga eVukoneni bya Wena, hi ndlela ya xikhongelo, ku ta kombela ku rivaleriwa swidyoho. I nga ku lebyi byi ngava vusiku lebyi swin'wani swi nga ta vuriwa, kumbe ku endlili swin'wani, kumbe gingiriko wu n'wana wa Moya wo Kwetsima lowu wu nga ta endla timbilu ta vona tirhurhumela kutani va ta kombela ku rivaleriwa ka tintswalo.

⁵² Hanyisa lava vabyaka. Hosi, ha khongela leswaku U tava nyika, madyambu lawa, xitshembhiso xa xikhongelo xa ripfumelo xi khongeleriwile sweswi. "Nakona xi ta ponisa vavabyi." Hikuva hi nga ha vula leswaku, ni ku engetela leswi, laha ku nga LESWI HOSI YI SWI VULAKA, hikuva swi tsariwile eRitweni ra Hosi.

⁵³ Sweswi, Tatana, ha khongela leswaku U ta katekisa swinginganyeto leswi tisiweke namutlha lahwani hikwalaho ka Rito ra Wena. Humesa kusuka eka ku hlayiwa ka mongo ku ya eka mbilu yin'wana na yin'wana. Kutani loko ndzi nga tsandzeka hi ndlela yi n'wani, Hosi, niku hupa ntoto wa Moya wo Kwetsima, i nga ku Yena etitswalweni ta Matimba a famba ni Rito kutani a ri veka embilwini laha ku fanelaka ku tshama kona. I ngaku hina madyambu lawa hi nga vona voko ra loyi wa Matimba hi nkawo a ri tshambuluta ri tsemekaya muako lowu, kutani ri endla swilo leswi swi tlulaka ntalo ehenhleni ka hinkwaswo leswi hi nga swi endlaka kumbe ku swi ehleketa. Loko hi suka madyambu lawa hi ya emitini ya hina leyi hambaneke, i nga ku hi nga ha kota ku vulavula ku fana ni lava a va huma Emmaus, "Xana timbilu ta hina a ti tshwangwa endzeni ka hina, loko A vulavurile na hina endleni xana?" Ha swi kombela hi Vito ra Yena. Amen.

⁵⁴ Sweswi, vanhu votala va tsala ehansi, ni mongo lowu muministara a wu tirhisaka. Kutani mina, loko mi tsakela ku swi tiva, ndzi tsakela ku hlaya tindzhawu timbirhi eka Tsalwa ro Kwetsima. Leri ri nga, eka Genesa ndzimana ya vu22, hi ta yi hlaya xosungula. Ku landzela Mukwetsimi Yohana 12:32, hi ta hlaya xiyenge xa vumbirhi xa Matsalwa. Sweswi, eka Yohana... Eka Genesa 22, hi sungula hi vhese ya vu⁷ ya ndzimana ya vu 22.

*Kava loko Isak a vutisa Abraham tata wa yena, a ku,
Tatana: yena a ku, Hi mina loyi, n'wana nga. Isak a
ku, Ndzilo hi lowu ni tihunyi hi leti: kambe nyimpfu yi
kwihi leyo tlhavela?*

*Abraham a ku, N'wana nga, Xikwembu xi ta vona
ku tilavela enyipfu ya mhamba: kutani a va ri karhi va
famba ha vambilhi swin'we.*

⁵⁵ Kutani sweswi eka Mukwetsimi Yohana 12:32, hi hlaya Marito lama ku suka emilon'weni ya Hosi.

Kutani mina, ku ta ku loko ndzi tlakusiwile emisaveni, ndzi ta kokela vanhu hinkwavo eka mina.

⁵⁶ Kutani sweswi nhloko-mhaka leyi ndzi lavaka ku vulavula hi yona sweswi, eka leswi, i, "Ku amukela ndlela leyi Xikwembu xi tilaveleke yona enkarhini wa makumu." Mi nge ndzi tshaha sweswo nakambe, hikuva, swile ka tithepi. Ndzi pfumela leswaku vale ku kandziyiseni ka Mahungu lawa. Kutani eka tithepi leti hi nga na tona, ta kwalomu ka madzana ntihuanu wa tinhloko-mhaka leti ndzi pfumelaka leswaku ndzi chumayerile hi tona, ti ni ku yelana nyana na sweswo, kambe ku nga ri eka leyiwani. *Ku Amukela Ndlela Leyi Yi Nga Nyika Hi Xikwembu Enkarhini Wa Makumu.*

⁵⁷ Ma swi tiva, ku ni tindlela to tala leti—leti vanhu va ti tekaka, kambe hi ntiyiso kova ni tindlela timbirhi ntsena leti munhu a nga fambaka ha tona, leti ku nga, ndlela leyo lulama ni ndlela yo biha. Kutani hinkwerhu ka hina lahawani, madyambu lawa, hi le ka yin'wani ya tindlela leti, leyo lulama kumbe leyo biha. Ku hava ku yima exikarhi. Yesu u teri, "A mi nge swikoti ku tirhela Xikwembu ni *mammon*," swivulaka, "misava." Hi nga hava lavanene kumbe lavo biha.

⁵⁸ Kutani loko hi nga huma endleleni ya hina vinyi, hi yona ndlela yi ri yoxe leyi hi nga nghenaka endleleni ya Xikwembu. Kutani Xikwembu xi endlile ndlela leyi xi nga yi nyika eka hinkwawo. Xi nyikile ndlela. Kutani loko hi nghena ekhombyeni, swi vula leswaku a hi yi landzelelanga ndlela yaleyo, kutani—kutani hi tinghenisela eka Yona tindlela leti ti nga ta hina. Kutani sweswo swi endla ku encenyeta. Kutani hinkwaswo leswi swi encenyetiweke a—a swi tshembheleki. Swingaleswi, Xikwembu xi ni ndlela. Kutani a hi languteni eka tin'wani ta tindlela ta Xona.

⁵⁹ A hi tekeni swin'wana swa ntumbuluko. Hikuva, ntumbuluko i Bibebe ya mina yo sungula. Ndza swi tiva leswaku Xikwembu i Mutumbuluxi, ni leswaku Xi ntumbuluxile ntumbuluko. Kutani Xi hanya entumbulukwini wa Xona, hi ntumbuluko.

⁶⁰ A hi swi tekeni, xikombiso, hi nsinya. Ntsena ndzi tsuvurile wu n'wani, xinkadyana lexi nga hundza lahaya, kumbe Billy a swi endlile, ni marhavi eka wona. Kutani ndzi xiyisisile leswaku matluka a ya ri eku zuzekeni. Sweswi, a hi swi kotanga, nakona hi ngaka hi nga swikoti, ku kuma ndlela yo antswa ya nsinya leswaku wu ntumbeta vutomi bya wona hi xixika, ku tlula ndlela leyi yi nyikeke hi Xikwembu yo tumbeta vutomi bya wona.

⁶¹ Sweswi, xana ku nga humelela yini loko hi nga ringeta ku tumbuluxa ndlela yin'wani ehenhleni ka ndlela ya ntoloveloo ley

yi nyikiweke ya nsinya xana? Xana ku nga humelela yini loko Mhawuri yin'wani ni yin'wani kumbe Ndzati, ngopfu-ngopfu etikweni leri ndzi humaka eka rona, eN'walungu, loko hi nga ya ensin'wini wa maapula kutani hi ya kuma muxaka wa—wa xibye hi xi veka ensinyeni, hi kwalomu ka Mhawuri endzhaku ka loko maapula ya vupfile, kutani hi susa vutomi ensinyeni hi ya byi veka endzhawini leyi yi ku fumelaka, kutani hi byi hlayisa vuxika hinkwabyo, vutomi, vutomi bya sapu lebyi byi humaka ensinyeni, kutani mi byi veka eka khonthena leyi yi kufumelaka kahle kutani mi byi hlayisa ku kondza ku fika Ximun'wana, kutani byi tlhela byi tlheriseriwa ensinyeni? Ma swi tiva, sweswo swi ngaka swi nga tirhi. A swi ngavi tano. Kutani ku ringeta ku swi endla i ku dlaya nsinya.

⁶² Kambe Xikwembu xi ni ndlela yo hlayisa vutomi byebyo hi vuxika. Xikwembu xi endlile ndlela. Hi ku tiva leswaku vuxika byi tata ensinyeni, Xi wu endlerile ndlela. Ndzi vile ni nkateko wa ku rhangela la nga tshehbekangiki wa makume nkombo-ntlhanu wa malembe hi vukhale ku ya eka Kreste, ha sweswo, ku ngari khale.

⁶³ Nkul. Wood, muakelani wa mina, kutani ari wa ripfumelo ra Jehovah Witness. Kutani a ri ni xifanyetani lexi a xi ri xilema, a ri ni nenge lowu a wu langute ehenhla ehansi ka yena. Kutani nsati wa yena, ndza pfumela, a nghena a—a Anderson mpfhumba ra Church of God. Kutani va tile eLousiville, Kentucky, laha a va tshama exindzhawanini lexi vuriwaka Crestwood, kwalomu ka makume nharhu wa timayile kusuka eLouisville.

⁶⁴ Kutani enhlengeletanwini kwalahaya eka odithoriyamu, va vonile nhwana loyi a ri ni vuvabyi lebyi, loyi, a ri eku hundzukeleni ka choko kumbe ribye. Nakona a ri, la limaleke, ehenhla ka swisuti swa yena, laha a ku endla a nga ha koti ku famba, oho, tinhweti to hlaya. Kutani swi te swi suka enengeni wa yena. A khongeleriwile, vusiku byi n'wani, kutani siku leri nga landzela a gonya a chika eswitepisi, ntsena hi ku tika hilaha a nga kota ha kona ku famba.

⁶⁵ Kutani Nkul. Wood u tisile jaha ra yena. Hikwalaho, a nga kalanga a nghena exikhongelwени. Kutani xikan'we-kan'we endzhaku ka sweswo, ndzi yisiwile endzhandzheni, a ndzi yele Hosi ya hina. Kutani loko ndzi tava ndzi vuyile ndzi vile ni nhlengeletano e...eOhio, kutani u tisile xifanyetani, lexi vuriwaka David. Kutani a tshamile endzhaku, oho, kwalamu ka ku ringana hafu ya buloko ya doroba.

⁶⁶ Kutani Moya wo Kwetsima wu nghenile kutani wu fika wu ku, "Ku ni wanuna madyambu lawa lahawani. Kutani yena ni nsati wa yena va tshamile endzhaku." A ndzi nga se tshama ndzi n'wi vona evuton'wini. Kutani wu ku, "Wanuna, vito ra yena i Wood. I n'watikotraka. U ni xifanyetani xa xilema lexi

nga ni ximungwa-mungwani, lexi xi yimiseke xirho xin'we ehenhla. Kambe, LESWI HOSI YI SWI VULAKA, xifanyetana xi hanyisiwile."

⁶⁷ Yena a nga swi tolovelanga sweswo, xifanyetani xi tshamisile lahaya xinkadyana. Kutani endzhaku nyana, manana wa xona u teri, "David, hikokwalaho ka yini u nga ringeti ku yima xana?" Kutani loko xi tava xi yimile, nenge wa xona a wu ri kahle ku fana ni lowu wun'wana.

⁶⁸ Wanuna u xavisie bindzu ra yena a tlhela a rhurha, a tava muakelani wa mina. Oho, yena i makwerhu la rhandzekaka! Mixo wun'wani loko a tivile leswaku a ndzi ri ekuteni lahawani eka nkarhi lowu wu engeteriweke, u...Kwalomu ka nhlekani, loko ndzi ta suka ekaya, a ri kona kwalahaya, a yimile exitarateni, a ri ku rileni hi ndlela *yaleyo*; a ri ku ndzi yimiseni, tani hi loko a lava ku famba na mina. Kutani u ndzi vukarhini kutani a tinghenela endleleni. Tani hi makwerhu la hlamarisaka! A ri chomi ya mampela eka mina.

⁶⁹ A hi ri etikweni ra Kentucky, hi hlota vamaxinjani, hi kwalomu ka malembe manharhu lawa ya nga hundza. Kutani a ri omile swinene. Kutani sweswi, loko un'wani wa n'wina vanhu la tivaka maxinjani xa mpun'wa, u...Houdini mutshila la balekeke a nga ri ni vuswikoti, eka yena, loko a chava. Swingaleswi, ndzi rhandza ku swi hlota, swingaleswi hi swi hlota hi xibalesa xa.22. Kutani hi hlotile. A ndzi ri muendzi wa kwalomu ka mavhiki mambirhi, kutani a hi govile. Kutani a ku omile swinene. Kutani ntsena a mi ta famba ehenhla ka tihunyi ni ku tshovelela ma—ma matluka, kutani nakulorhi yaloye lontsongo, oho, mina, heyi, ntsena mi ngaka mi nga n'wi voni. A fambile.

⁷⁰ Swingaleswi Makwerhu Wood u teri, "Makwerhu Branham, ndzi tiva ndzha—ndzha ndzhawu leyi nga ni magoji lamo enta."

⁷¹ Xana i vangani lava tivaka magoji leswaku i yini xana? Kunene, xana mi huma eka xiphemu xihi xa Kentucky xana? Kutani sweswo hi leswi va swi vitanisaka xiswona ehansi eKentucky. Ehansi lahawani, ndzi pfumela leswaku mi ri vitana riwa kumbe swin'wani, laha mati ya fambaka hi mugero. Kutani mi nghena eka tindzhawu leto enta, kutani kun'wani ku thambhile, kutani u nga ha famba u nga endli huwa.

⁷² A ku, "Kambe nakulorhi loyi wo dyuhala a nga tshembhekanga, nakona, oho, u venga vachumayeri." Kutani ndzi tshame ndzi va tikweni ra kona, kutani a hi ri exikhongelweni.

Kutani ndzi teri, "Swi kahle. Wena, wa n'wi tiva xana?"

A ku, "U tiva papa mina kahle."

⁷³ Ndzi ku, “A hi fambi hi ya n’wi vutisa, hikuva a hi endliswa kahle lahawani.”

⁷⁴ Kutani hi yile hi ya eximovhanini xa yena, ku ya fika emakhwatini, ku ya fika ehansi ka swiganga. Oho, mina! Ekuheteleleni hi fikile exindhawanini xin’wani. Kutani kwalahaya a ku tshamile vakhalabya va mbirhi ehansi ka nsinya wa muapula. A kuri kwalomu ka ti 20 ta Mhawuri.

⁷⁵ Kutani hi loko a huma eximovhanini, a ya emahlweni, hi loko a ku, “Vito ra mina i Wood.” A ku, “Ndzi Banks Wood.” A ku, “A ndzi tivi loko swi tava kahle loko hi nga hlota endhawini ya wena.”

A ku, “Xana u n’wani wa Jim Wood xana?”

⁷⁶ Sweswi, papa yena i muhlayi eka Jehovah Witness, kumbe a ri muhlayi. Kutani ndyangu hinkwawo wu tile eka Kreste, un’wani ni un’wani, hi swivono. Un’wani ni un’wani, a va byela leswi nga ta humeleta, nakona a swi humeleta hi ndlela yaleyo. Oho, ndzi swi navela njhani ku yima ndzi mi hlamusela hi xitorhi xa ndyangu lowu, hilaha va nga nghanisa xiswona. N’wana un’wani ni un’wani eka Mfumo wa Xikwembu sweswi, va khuvuriwile hi Moya wo Kwetsima.

⁷⁷ Kutani loko Banks a tava a ri amukerile, va yena . . . vanhu hinkwawo vaka vona a va nga ha vulavuli na yena. Sweswo a swi ri swona hinkwaswo. A humile.

⁷⁸ Kambe, ha un’we-un’we, un’wana ni un’wana wa vona a hundza hi kwala kusuhi, ku ta vula leswaku “xewani” eka yena, Moya wo Kwetsima wu ta va khoma wu va byela swilo, kutani vata va ta nghena. Kutani va taya va ya byela van’wani. Swingaleswi u ta ta, Ri ta n’wi byela swin’wana, kutani u ta ta. Kutani yaleyo hi yona ndlela leyi ndyangu hinkwawo wu taka eka Kreste ha yona. Kutani swingaleswi loko hi kuma . . . leswi swi humaka eka . . .

⁷⁹ U humile emovheni, kutani a ku eka wanuna. A ku, “Xana u n’wana wa Jim Woods xana?”

A ku, “Ina.”

⁸⁰ A ku, “Jim Woods i wanuna wo tshembheka. Ina, nkulukumba. Tipfune hi wexe. Hlota laha u ku lavaka.”

⁸¹ A ku, “Ndza khensa.” A ku, “Ndzi tile ni mufundhisi wa mina.”

⁸² A ku, “Woods, a wu vuli leswaku a wu na nawu loko u famba na muchumayeri hinkwako laha u yaka kona xana?”

⁸³ A ndzi ehleketa leswaku a kuri nkarhi wa mina wa ku tihumessa. Swingaleswi ndzi humile emovheni, kutani ndzi famba-famba. Oho, mina! (N’wina vamakwerhu va vahloti. Vahloti kulorhi va mina, ndza switiva leswaku mi kona lahawani.) Hi laha tingati na thyaka, na malebvu ya lehise

xisweswo, ma swi tiva; a ku nga hlambwi ku ringana mavhiki mambirhi, nakona, oho! Swingaleswi ndzi humile emovheni ndzi nyandlamela ndzi ya emahlweni. Kutani u ndzi langutile ehenhla ni le hansi, ka mbirhi kumbe ka nharhu. Ndzi pfumela leswaku u anakanyile, “Muchumayeri un’wana!”

Ndzi ku, “Ku njhani?

Kutani a ku, “Ku njhani?

⁸⁴ Kutani swingaleswi Nkul. Wood u sungurile ku tivisa leswaku hi mina mani, mina . . . mufundhis wa yena. Kutani a ku . . .

⁸⁵ Loko a nga si kuma xinkadyana xa ku ndzi tivisa, mukhalabya u teri, “Kunene,” a ku, “Ndza ku byela sweswi.” A ku, “Ndzi—ndzi fanerile ku va la nga tshembhekangiki. A ndza ha lavi ku tirhisiwa hi n’wina vavanuna, ti vitaneni vachumayiri n’wina hi n’wexe.”

Ndzi ku, “Ina, nkulukumba. Hi swona.” Ndzi ku, “Rero i vonelo.”

Kutani a ku, “Kunene, wa swi tiva, ndzi loyi oka a nga tshembhekangiki.”

⁸⁶ Ndzi ku, “A wu pfumeli leswaku swi fanerile ku ti ba xifuva ha swona. A wu swi pfumeli xana?”

A ku, “Kunene, a ndzo pimanisa.”

⁸⁷ Swingaleswi ndzi ku, ndzi ehleketa embilwini ya mina, “Hosi, loko hi leswaku U tshame u ndzi pfuna, Wa swi endla sweswi.”

⁸⁸ Swingaleswi mukhalabya un’wani a tshamile kwalahaya, a nga kalanga a vula nchumu. Swihuku swa khale leswi a swi hakiwile, a ndzi tivi leswaku i yini . . . Ma xitiva leswaku xi yini, xi rhungiwile hi tintambhu timbirhi, ma swi tiva. Kutani swingaleswi va tshamile kwalahaya ka ntsongo.

⁸⁹ Kutani swingaleswi a ku, “Xana ma swi tiva leswaku i yini lexi xi endlaka leswaku ndzi lwisana na n’wina vanakulorhi? Mi le ku vukuleni ka nsinya lowu nga hoxeka.”

⁹⁰ Xana i vangani lava swi tivaka leswaku swivula yini sweswo, “ku vukula nsinya lowu wu nga hoxeka”? Yaleyo i mbyana ya vunwa, ma swi tiva, leyi yi vukulaka nsinya lowu wu nga hoxeka. Ntlangu wu endliwile wu tlhela wu nyamalala kwalahaya. A ka ha ri na nchumu ehenhla lahaya. Wa vona?

⁹¹ Swingaleswi a ku, “N’wina vanakulorhi mile ku vukuleni ka nsinya. A ku na nchumu ehenhla lahaya,” hi marito man’wani. “Mi le ku vulavuleni hi Xikwembu, nakona a ku na nchumu lowu va nge i Xikwembu.”

“Kunene,” ndzi ku, “hakunene, hi pfumela sweswo.”

A ku, “Kunene, mi nga hava tano, kambe a ndzi tano.”

Ndzi ku, “Kunene, hi swona sweswo.”

⁹² Kutani a ku, “Xana wa yi vona chimele liya ya khale yi nga enhlonhlorhini xana?”

Ndzi ku, “Ina, nkulukumba.”

⁹³ A ku, “Ndzi velekeriwele kona kwalahaya ehenhla.” Kutani a ku, “Papa wa mina u akile ndzhawu leyi nga lahawani ehansi. Hi rhurhile loko ndza ha ri ni khume ntsevu wa malembe hi vukhale. Endzhaku ka rifu ra tatana wa mina, ndzi tekile ndzhawu. Ndzi kurisile ndyangu wa ka hina. Ndzi vile lahawani makume nkombo–ntsevu kumbe makume nkombo–nhungu, kumbe swin’wani swo fana ni sweswo, wa malembe.” A ku, “A ndzi tshamela ro languta, masiku hinkwawo, eswibakabakeni. Ndzi langutile ekhwatini hi nkwaro. Ndzi langutile misava hinkwayo. Kutani a ndzi kalanga ndzi vona nchumu lexi xi langutekaka ku kotisa Xikwembu.”

Ndzi ku, “Kunene, sweswo swi bihe ngopfu.”

⁹⁴ Kutani a ku, “Xexo hi xona xivangelo xa kuva ndzi ehleketa leswaku n’wina vanakulorhi mi le ku vukuleni ka nsinya lowu wu nga hoxeka.”

⁹⁵ Ndzi ku, “Ina, nkukumba.” Kutani swingaleswi swin’wani swi humelerile. Ndzi langutile ehenhla ensinyeni. Ndzi languta ehansi, kutani a kuri ni maapula lawa a ya ri ensinyeni. Ndzi ku, “Xana u nga vilela loko ndzi nga teka rin’wani ra maapula xana?”

⁹⁶ A ku, “Ti pfuni wena n’winyi. Swijasana swa ritshopi swile ku madyeni.” Wa swi tiva leswaku swijasana swa ritshopi i yini, ndzi na ntiyiso.

⁹⁷ Swingaleswi ndzi–ndzi nghena ehansi, ndzi ya kuma rin’wani ra maapula, kutani ndzi ri sula hi nenge wa buruku ya mina, ma swi tiva. Kutani ndzi ri luma. Ndzi ku, “Lero i apula ra kahle.”

A ku, “Ina, rero ri sasekile.”

Ndzi ku, “Xana nsinya lowu i wa rini?”

⁹⁸ A ku, “Ndzi wu byarile kwalahaya. A hi voneni, wu ni makume mune–nkombo, makume mune–nhungu wa malembe hi vukhale, swin’wana swo fana ni sweswo.” A ku, “Ndzi byarile xihluke nyana lexi ntsongo.” A ku, “Ndzi wu susile kun’wani, kun’wana ekule, kutani ndzi wu tisa lahawani.”

Ndzi ku, “Ina, nkulukumba.” Hi loko ndzi ku, “Xana wu tswala lembe na lembe xana?”

⁹⁹ “Malembe hinkwawo wu tswala maapula ya kahle.” A ku, “Hi kuma maapula yo tala lawa ya humaka kwalahaya.”

¹⁰⁰ Kutani ndzi ku, “Kunene, sweswo swi kahle. Ndza tsaka ku twa sweswo.” Kutani ndzi ku, “Wa swi tiva, lahawani i siku ra vukhume ntlhanu ra Mhawuri.” Ndzi ku, “I makume

nkaye endzhutini ku tshunelela minkarhi hi nkwayo.” Ndzi ku, “Swa chavisa hikuva matluka hinkwawo ya wona ya zuzeka ensinyeni walowo, nakona ha hari na gwitsi.”

¹⁰¹ Kutani a ku, “Oho, sweswo i—sweswo i, sapu yi tlhelele erimitswini.”

“Oho,” ndzi ku, “sweswo hi leswi swi nga xiswona?”

A ku, “Ina.”

Ndzi ku, “Swingaleswi yi tlhelele erimitsweni, ku ya endla yini xana?”

¹⁰² A ku, “Kunene, loko yi nga tshama ehenhla lahaya, vuxika byi ta wu dlaya.”

Ndzi ku, “Byi dlaya yini?”

¹⁰³ A ku, “Nsinya. Xihluke xa vutomi xile ka sapu yaleyo, xi ya ehansi xi ya tumbela etimitswini.”

Ndzi ku, “Oho.” Ndzi ku, “Sweswi, yaleyo yi nga... Leyi n’wana yona...”

A ku, “Kunene,” a ku, “sweswo a hi leswi swi nga tolloveleka.”

Kutani ndzi ku, “Ee, ee. Rero rova endlelo ra ntumbuluku.”

¹⁰⁴ A ku, “Wa swi tiva, ndzi lava ku ku byela swin’wani.” A ku, “U nga siya emahlweni, ndzi lava ku vula leswi. Leswaku ndzi tshame ndzi twa hi ta muchumayeri nkarhi wun’wani, loyi ndzi tsakelaka ku n’wi twa nakambe. Loko a nga tlhela a vuya etikwени leri nakambe, ndzi lava ku n’wi twa.”

Ndzi ku, “Oho? Sweswo swi kahle,” ndzi vula tano.

¹⁰⁵ A ku, “A ri lahawni eActon kwalomu ka malembe mambirhi lawa ya nga hundza eka mpfhumba etimpaleni ta ma—ma Methodist kwalahaya, etimpaleni ta magovela ya ma Methodist.”

¹⁰⁶ Kutani Banks u langutile. Ndzi hundzukela eka Banks, mina... Yaloye, i Makwerhu Wood. Ndzi vula tano...

¹⁰⁷ Kutani a ku, “Ndzi rivele vito ra wanuna sweswi.” A ku, “Ma swi tiva, a nge se tshama a va eka tiko leri.” Kutani a ku, “Mukhegula,” un’wani, “u fambile lahawani ku ringana mayili, a gonya ehenhla exigangeni.” A ku, “A ri ekufeni hi mfukudzani. Kutani va n’wi yisile eLouisville, ku ringana dzana ni makume mbirhi wa timayili, kutani madokodela va n’wi handzurile. Kutani khwiri ra yena hinkwaro a ri tsondzeriwile, marhumbu ni hinkwaswo, hi mfukudzani. Kutani a va nga ta n’wi endlela nchumu.” Kutani a ku, “Swingaleswi va tisile...va n’wi rhungile kutani va n’wi vuyisela ekaya. Kutani nsati wa mina na mina a hi tshamela ro ya kwalahaya masiku hinkwawo. Kutani a va nga ha swikoti ku n’wi pfuxa; ntsena a hi fanele ku koka drowara ya swo

ndlalela ni ku ncica mubedwa wa yena.” Kutani a ku, “A hi ya kwalahaya mavhiki yo hlaya.” Ntsena a languterile vusiku byin’wani ni byin’wani ku fa, kumbe nkarhi wun’wana ni wun’wana. Kutani a ku, “Sesi wa yena u tshama endzhaku ka xinkobyana.” Ma swi tiva, yaleyo i ndlela leyi mi thyaka ha yona, ehansi halahaya. A ku nga ri na patu; a xi ri xinkobyani. “Etlhelo ra xinkobyana xin’wana.”

¹⁰⁸ Ndzi twile un’wani a hleka. Ntsena ku tele hi vanhu vo huma eKentucky lahwani. Etlhelo... Kunene, ndzi tswariwile laha ku vitaniwaka Little Rennix lahaya. Kokwani wa mina wa xinuna a tshama eBig Rennix, leri ri cheletaka Bumshell. Bumshell Creek ri ta eLittle Rennix, kutani ri famba hile Casey’s Fork, kutani ri famba ri ya Cumberland River. Sweswi, rero ri tsemekanya Green Briar Ridge. Kwalahaya hi laha manana wa mina a nga tswariwa kona, ehenhla eGreen Briar Ridge.

¹⁰⁹ Hi loko a ku, “Wansati loyi u hanya endzhawini yin’wani.” Kutani a ku, “Kwalaho ku nga va makume mbirhi wa timayili ku suka lahwani. Kutani u tile vusiku byebyo, kutani a tshamile endzhaku ka rivala lero ra govela.” Kutani a ku, “Muchumayeri loyi, loko a ha ri kwalahaya, a khongelela vavabyi.” Kutani u teri, “A ri eku byeleni ka vanhu leswaku a va ri vamani, ni hinkwaswo ka swona.”

¹¹⁰ A ku, “Wansati loyi u hlwerile ku nghena, nakona a nga phakanga khadi eka makhadi lawa a ya phakiwa.”

¹¹¹ Kutani a ku, “Muchumayeri loyi u hundzukele eka yena, a n’wi byela, leswaku, ‘Wa swi tiva, wena, manana loyi a nga tshama endzhaku lahaya, hi wena *Mani–mani*. Kutani madyambu lawa loko u suka ekaya, u hoxile xidukwani exipachini xa wena xa buku, lexi nga ni ku tsariwa hi swa wasi ekhoneni ya xona.’ A ku, ‘Nakona u na sesi *Mani–mani*’ Kutani a ku, ‘U le ku feni hi mfukudzani ya khwiri.’ Ntsena ndzi swi vonile eka xivono. Sweswi, teka xidukwani xexo, kutani u ya n’wi tlhandleka. Kutani, hi ‘LESWI HOSI YI SWI VULAKA, u ta hanya.”

¹¹² A ku, “Kutani wansati... Vusiku byebyo, hi twile huwa ley i chavisaka ngopfu, ehenhla exigangeni. Ndzi anakanyile leswaku va ni Salvation Army kwalahaya ehenhla,” a ku, “hi kwalomu kale xikarhi ka vusiku. Kutani hi anakanyile leswaku xikhekhudyana xi lovile.”

¹¹³ Hi loko a ku, “Wa switiva leswaku i yini? Mina na nsati wa mina hi yile hi xa mundzuku, ku ya vona loko hi nga nyikela ku chavелела, ni mixo swenene. Kutani a tshamile etafuleni, na poto ra kofi, ntsena a ri ku cheleni ka kofi, kutani yena ni nuna wa yena a va ri eku dyeni ka n’weti wa hafu wa phayi ya apula ley i nga katingwa ku ri ku fihlula.” Ndzi teri...

¹¹⁴ Xana i vangani lava tivaka n’weti wa hafu wa tiphayi ta apula? Ma swi tiva, ndzi le kaya sweswi. Sweswo kova ntsena...

Ndza ti rhandza, nakona ndzi rhandza jamu ya n'wahuva nyana lowu wu nga eka tona. Nakona ndzi langutile ndhawu ley hinkwayo laha ku nga na jamu ya n'wahuva. Kutani loko ndzi nga vuya lahawani nakambe, ndzi ta tilavela bakiti, hikuva a ndzi koti ku famba kahle loko ndzi nga ri na yona. Kutani ma swi tiva, ndzi—ndzi tirhisile to tala ta tona, hikuva ndzi wa muxaka wa Baptist, ma swi tiva. A ndzi—ndzi—ndzi pfumeli eka ku xuva makhekhe ya bona. Ntsena ndzo tlhela ndzi va khuvula nakambe, kahle hi ntiyiso. Kutani mina... Swingaleswi ndzi chela jamu eka wona, swinene.

Swingaleswi manuku a ku, “A ri eku dyeni ka sweswo.” Ndzi ku...

Ndzi ehleketa, “Leswi hi swona.”

Ndzi ku, “Sweswi, a wu vuli swona sweswo.”

¹¹⁵ “Kunene,” a ku, “fambani kwalahaya ehenhla mi ya tivonela hi n’wexe.” A ku, “Sweswo a swi ri swa malembe mambirhi lawa ya nga hundza.” Kutani a ku, “A nga endli ntirho wa yena ntsena; u endla ni ntirho wa muakelani.” Sweswi, bona, a ri eku ndzi chumayileleni kwalaho.

¹¹⁶ Ma swi tiva, manana wa mina a tshamela ro vula leswaku, “Nyika homu ntambhu ley ringaneleke, yi ta tisunga hi yoxe.” Swi nga leswi sweswo swi nga va swona. U nghenisile nkondzo wa yena enon’wini wa yena n’winyi, nkarhi wolowo, loko a teri—a teri, “Fambani lahaya mi ya langutisa.”

¹¹⁷ Ndzi ku, “Sweswi, languta, nkulukumba. U hlamusela leswaku madokodela va handzurile wansati yaloye kutani va n’wi kuma a ri ni mfukudzani?”

“Hi swona sweswo.”

¹¹⁸ Kutani ndzi ku, “Va tlhele va n’wi rhunga xana? Kutani u lava ku vula leswaku vanhu lava va nga lahaya, khume ntlhanu wa timayili ku suka lahawani, va n’wi vonile wansati yaloye va tlhela va vula leswi nga ta humelela loko va ta n’wi tlhandleka xidukwana xana? Kutani xana wansati yaloye a ri na yona mfukudzani yaleyo xana?”

A ku, “Famba u ya kwalahaya. Ndzi ta ku byela leswi u nga ta fambisa xiswona lahaya.”

¹¹⁹ Ndzi ku, “Ee, ee. Ndzi landelerisa rito ra wena.” Ndzi ku, “Ndzi landzelerisa rito ra wena.” Ndzi ku, “Ina, nkulukumba. Ina.”

¹²⁰ A ndzi ri eku dyeni ka apula leri, ma swi tiva, karhi hinkwawo, ndzi ri eku ri ncakunyheni. Ndzi ku, “Leri i apula ra kahle.” Ndzi ku, “Ndzi lava ku ku vutisa xivutiso. Xana i ncini lexi xi endleke sapu ya leyo yi suka ensinyeni yi ya ehansi etimintswini?”

¹²¹ “Hikokwalaho ka yini,” a ku, “wu fanerile, ku ti hlaisela vutomi bya wona hi xixika.”

¹²² Ndzi ku, “Swingaleswi hi ximun’wani lexi xi landzelaka wu ta tlhela wu vuya, wu ta ku nyika xichocho xin’wana xa maapula?”

“Hi swona”

¹²³ Kutani ndzi ku, “Sweswi ndzi lava ku ku vutisa xin’wana. Xana i vutlharhi byihi lebyi fambisaka sapu yaleyo, u ri, ‘Lahawani, hi ximun’wana. Yi tlhelela endzhaku ehansi etimitswini ku ya tumbela. Loko u nga swi endli, vuxika byi ta ku dlaya. Tlhelela endzhaku etimitswini u ya tshama kona ku kondza ku va ximun’wani. Kutani loko wu kufumela kutani wu va kahle, wu vuyela ehenhla wu tisela nakulorhi loyi maapula?’ Sweswi, wa swi tiva leswaku byebyo i vutomi lebyi byi vitaniwaka botani. A wu ni vutlharhi lebyi byi nga bya wona. Swingaleswi, ndzi byeyle leswaku i vutlharhi muni lebyi byi nga rhumelaka vutomi erimitswini ra nsinya wolowo. Wu hava vutlharhi lebyi byi nga bya wona.”

A ku, “Wolowo wo va ntumbuluko ntsena.”

¹²⁴ Ndzi ku, “Swingaleswi teka bakiti ra mati, kutani u ri veka eka mhandzi ya leyo yi nga lahaya, kutani u vona loko ntumbuluko wu ta yi wisela ehansi hi kuwa ka lembe, ni ku tlhela wu yi vuyisela endzhaku hi ximun’wani. Wa vona? Ee, nkulukumba. Xana i yini sweswo xana?”

¹²⁵ Sweswi, a hi swi vekeni etlhelo minete. I ndlela leyi yi nyikeke hi Xikwembu. Yi tirha hi ndlela leyi Xikwembu xi nga yi nyikisa xiswona eka wona. Xiritwani xi ri, “Tlhelela ehansi etimitswini,” kutani ehansi wu yile. Sweswi, wu endla sweswo wu nga ri ni vutlharhi. Xana hi fanele ku endla yini, hi Xikwembu xin’we lexi xi vulavulaka na hina xana? Hina, kambe hi ni nfanelo yo ala kumbe yo pfumela, nakona, ha kanyingi, ha ala. Nsinya wu ngaka wu nga ali. Wu tiva ndzhundzhuluko wu n’we, wa kuva, wu yingisa n’winyi wa wona.

“Kunene,” a ku, “A ndzi kalanga ndzi swi ehleketa sweswo.”

¹²⁶ Ndzi ku, “Ndzi ku byela. U ehleketa hi swona, nkarhi wo leha, loko ha ha hlota. Kutani loko ndzi vuya, u ndzi byela leswaku i...i yini lexi xi byelaka sapu ya nsinya ku ya etimitswini, yi ya tshama kona hi xixika, yi tlhela yi vuyela ndzhaku hi ximun’wana. Loko mi nga kumisia leswaku hi byihi vutlharhi lebyi byi lawulaka vutomi bya—bya nsinya walowo, kutani byi ku, ‘Famba ehansi erimitswini, kutani vuya,’ ndzi ta ku byela leswaku i Vutlharhi byi n’we ni lebyi byi nga ndzi byela, ‘leswaku famba u ya tlhandleka xidukwani eka wansati ya loye, kutani u ta hanyisiwa.’”

A ku, “Ndzi ku byerile?”

¹²⁷ Ndzi ku, “Ina, nkulukumba.” Ndzi ku, “Xana a ri mani vito ra wanuna ya loye? Wa swi tsundzuka xana?”

A ku, “A ndza ha switsundzuki.”

Ndzi ku, “A ku nga ri Branham xana?”

A ku, “Hi yena yaloye.”

Ndzi ku, “Hi mina Makwerhu Branham.”

¹²⁸ Kwalahaya xindhawanini xexo u pfukile, a ndzi khoma hi mavoko. A ku, “I ro sungula evuton’wini bya mina, kuva ndzi vona leswi u swi vulaka.” Ndzi n’wi yisile eka Kreste.

¹²⁹ Lembe leri nga hundza a ndzi ri kwalahayani. U hundzile, a ya emahlweni. Tintswalo ta Xikwembu! Lahaya a ku tshamile nsati wa yena, ehansi ka nsinya, a ri karhi a vandla maapula. Lawa ya humaka eka sinya wa luwa. Ndzi yile ndzi ya ku, “Xana ndzi nga ya eku hloteni xana?”

A ku, “A hi pfumeleli ku hlota.”

¹³⁰ Ndzi ku, “Ndzi rivaleli.” Ndzi—ndzi—ndzi ku, “A ndzi ehleketa leswaku ndzi ni mpfumelelo.”

A ku, “Xana mpfumelelo u wu kumile eka mani xana?”

Ndzi ku, “Eka nuna wa wena.”

Hi loko a ku, “Nuna wa mina u lovile.”

Ndzi ku, “Ntsena u file hi xi tshuketa, a nga va nga tano?”

A ku, “Ina. A nga kalanga a pfumelela vanhu.”

¹³¹ Ndzi ku, “Kona kwala ehansi ka muapula lowu... Lembe leri nga hundza, a ndzi ri kwalahawani, kutani a hi ri eku vulavuleni hi nsinya wa lowu.”

A ku, “Hi wena Makwerhu Branham xana?”

Ndzi ku, “Ina.”

¹³² U vekile pani ra maapula. A ku, “Makwerhu Branham, u lovele eka ku hlula ka Yesu Kreste, vumbhoni bya yena byo hetelela.”

¹³³ Xana i yini sweswo xana? Ntsena ku vona, ku nga ri ku ringeta ku ya hi le ka tinhlayo hinkwato ta leswi swi nga humelerisa xiswona, kambe ntsena nchumu lowu ntsongo wo olova, ku hlalela Xikwembu loko xi nyika ndlela, kutani xin’wani xi hlayisaka endleleni. Wa vona, Vutlharhi byin’we lebyi byi nga ta ku eka nsinya wa mbheveve, “Famba ehansi u ya tumbeta vutomi bya wena,” vutlharhi byebyiya hi Byona bya Loyi a kombiseke xivono xa wansati. Nakona u xi khomile. Nakona a nga ta xitsan’wa, hambi xin’we. Lahaya a ku yimile nsiya, kwalahaya a ku ri ni wansati. Amen. Wa vona? Ndlela leyi yi nga nyikiwa hi Xikwembu!

¹³⁴ Hambi ni loko kuri ku tshama va kuma ndlela yo antswa ya huku kuva yi huma endzeni ka xikhamba xa tandza, yo tlula ku xi faya hi ku jovota yi huma. A va na ndlela yo antswa. Sayense a yi swi koti ku humelerisa nchumu. Loko u nga faya xikhamba, leswaku u ta yi humesa, swi ta yi dlaya. Yi ta fa. Yi fanele ku landzelela ndlela leyi yi nga nyikiwa hi Xikwembu, leswaku yi kota ku hanya. Amen. Sweswo swi tirha nile ka vanhu, na vona.

¹³⁵ U hlovisiwile. Xana mi kale mi nga xiyisisa xikukwani loko xi huma exikhambeni xana? Xi ni lexi nga engeteriwa, xinon'wani nyana exikhambeni xa xona, xin'wayi nyana lexintsongo xo basa. Kutani nakulorhi lontsongo loyi a nga kwalahaya, ntsena tani hi vutomi loko byi sungula ku ta, xi sungula ku koweta xinhlokwani xa xona. Xana xi swi endlela yini sweswo xana? Xin'wayi xexo lexintsongo xi sungula ku n'waya xikhamba, xi xi endla xi lala. Loko xi ya xi kuma vutomi hi swintsongo, xi sungula ku mbeyetela hi nchumu wa lowo lowu ntsongo. Kutani loko xi humile eka xikhamba, a xa ha xi lavi nakambe, swi ngaleswi xa xi sukelo.

¹³⁶ Kutani lexi xi xi endlaka, i ku sirheleleka ku fika emakun'wini ya vukorhokeli bya xona. Loko a swi nga ri tano, a xi tava ni vukorhokeli lebyi nga onheka, kutani a xi nga ta swi kota ku teka ndzoho ya xona. Oho, mina! Xikwembu xi nyikile ndlela yo hanya! Xikwembu xi xi lulamisile, ntsena hi ndlela leyi xi nga ta huma hi yona kwalahaya. Ku hava ndlela yo antswa. Xin'wani xi nga xi dlaya. Xi fanele xi huma hi ndlela leyi yi nyikiweke hi Xikwembu. Sweswi, loko mi ringeta ku endla ndlela yin'wani kumbe ku vumba ndlela yin'wana, mi ta xi ndlaya.

¹³⁷ Yaleylo hi yona yi nga mhaka etikerekeni ta Vakreste namutlha. Ti ringeta ku amukela ndlela leyi nga lo endliwa, ematshan'wini ya ku ti fayela ndlela ya vona, yo ya eka Mfumo wa Xikwembu. Yi ringetile ndlela yin'wani, kutani yi ngaka yi nga tirhi. U dlaya muvabyi wa wena. U dlaya n'wana wa—wa—wa wena, n'wana wa Xikwembu, hi ku ringeta ku endla ndlela yin'wani. “Oho, a ku na xilaveko xa leswi lahawani buu-huu ni ku rila. A ku na xilaveko xa *leswi* hinkwaswo, hinkwaswo *leswi*.” Oho, ina, swi kona. “A ku na xilaveko xa ku fa loku.”

¹³⁸ Handle ka loko ku ri ni rifu, a ku nga tava ni ku tswariwa. Ku tswariwa ku ta ntsena hi nchumu wa rifu. “A hi nge mbewu ya nkroni yi wela emisaveni kutani yi fa, yi tshama yi ri yoxe.” Yi boheka ku bola, kutani yi va leyi onhakaka, kutani ku suka eku onhakeni yi hlukisa vutomi. A ku na ndlela yin'wani leyi swi nga tirhekaka ha yona. Yi fanele ku onhaka ku sungula, kutani yi va leyi yi onhakaka. Kutani ya leyo hi yona ndlela leyi hi faneleke kuva xiswona; hi fa hi hexe kutani hi tswariwa hi ri lavantshwa hi Moya wo Kwetsima.

¹³⁹ Ee, a va kalanga va kuma ndlela yo antswa ya hi laha tihuku ti nga humaka ha kona exikhambeni, ku tlula loko yi jovota yi ti pfulela ndlela ya yona. Yaleylo i ndlela leyi yi tisiweke hi Xikwembu eka yona, nakona yi hlovisiwile ku swi endla. Xikwembu xi ngaka xi nga tisi ndlela leyi yi nga riki na xitirhi eka yona. Swingaleswi Xi nyikile ndlela, xi tlhela xi nyika xitirhi eka tihuku leswaku ti kota ku ti ntshuxa hi xona. Amen.

¹⁴⁰ Sweswi, hambi va kale va kume miehleketo yo antswa ya masekwa na mapilipili leswaku ya ta edzongeni, ku suka en'walungu, ku tlula kuva ya va ntlhambhi ya haha hi ndlela ya wona. A ku na ndlela yin'wana. Ma swi vona, loko swi nga si hahela edzongeni, kumbe ku haha ku suka edzongeni swi tlhelela en'walungu, swi va ntlhambhi, ku sungula. Loko swi nga si sukela misava ya swona kumbe makaya, ku ya ekaya lerintshwa, swi va ntlhambhi. Tinyoxi ti endla swo fana. Ti va ntlhambhi. Wa lowo i ntumbuluko. I ncini? Ti va na mpfuxelelo. Hinkwato ti va ntlhambhi ti hlanganyela kun'we. A mi se tshama mi yi twa huwa ya leyo evuton'wini bya n'wina.

¹⁴¹ Kutani hi nga si sukela vutshamo lebyi, ku ya eka lebyi ntshwa, hi fanele ku va ntlhambhi eka mpfuxelelo.

¹⁴² Oho, mi kuma ntlawa wa masekwa ni mapilipili, a ma ha twi ku jakatseka ngopfu evuton'wini bya n'wina hinkwabyo. Xana ma na yini? Mpfxelelo. Ya tilunghisela ku ya empfhukeni. Amen.

¹⁴³ Sweswo hi leswi hi swi lavaka namutlha, i ntlhambhi wa mpfuxelelo. A ku na ndlela yin'wani; ku nga ri na vuxirho. Xikwembu a xi hlayeli vunyingi. Xi hlayela ku tshembheka eka ndlela ya Xona leyi xi nga yi nyika.

¹⁴⁴ Sweswi, a va kalanga va kuma nchumu leswi nga tekaka ndhawu ya swona. A swi nge koteki leswaku kuva ni ndlela yo antswa. Sweswi, xikombiso ku nga humelela yini loko sayense yi nga ku, "Swisekwani swo siwaneka. A ha ha ya lavi leswaku ya va ntlhambhi nakambe. Kutani hi ya ma hoxela ritavala, ya nga se va ntlhambhi. Kutani hi ta ma khayimela endzeni ka nete, kutani hi ma yisa edzongeni."

¹⁴⁵ Sweswo swi fana, ni loko mi va yisa eka nhlangano wun'wana kumbe swin'wani, ma swi tiva, ku n'wi rhwala hi nete a yisiwa kun'wani. Yaleylo a yi ri ndlela ya rona ya ku ya dlayiwa. Wa swi tiva leswaku u yi siwa endlwini yo dlayela kona loko a hoxiwa eneten. Kambe loko a famba hi ndlela leyi nga nyikiwa hi Xikwembu, u le kule ni sweswo. Swingaleswi, kumbe a ndzi nga fanelanga ku swivula sweswo. A ndzi nga swi vuli hi—hi ndlela yo lumbeta hi ku lwisana na nhlangano. Kambe ma swi tiva leswi ndzi swi vulaka. Kumbexani hinkwaswo sweswo....

¹⁴⁶ Yaleyo a hi yona ndlela yo swiendla. A wu nge swikoti ku tsutsumela eka nhlangano, u ti hoxa a neteni u tlhela i ku, “Ndzi mu Methodist, kumbe mu Baptist,” kumbe tin’wani to tala. Sweswo a hi swona. Ee, ee.

¹⁴⁷ Mi fanele ku va ntlhambhi. Hi swona sweswo. Mi fanele mi fika endzhawini laha mi nga ta jovota n’wina hi n’wexe mi huma.

¹⁴⁸ Lava, va hlanganyela kun’we, kutani va nghena eka nete lowu. Kutani—kutani loko va... Loko va endla sweswo, va switiva leswaku vale ndleleni yo ya endlwini yo dlayela.

¹⁴⁹ Kambe, sweswi, ku nga humelela yini loko ma nga nghanisiwa hinkwawo, ya khayimiwa ma ya hoxiwa xihlengele, kutani ya yisiwa edzongeni, ya fika ya pfuleriwa kona. Swingaleswi, loko ma nga si tilulamisela kuva ntlhambhi, kutani u ma hoxela ritavala. “A hi pfumeli eka masiku ya masingita.” Wa vona? “N’wina swisekwani, mi ngaka mi nga ha hahi nakambe. Ya lawa a ya tolloveleke ya ri masekwa ya nguva yin’wana.” Ntsena loko Xikwembu xa ha endla sekwa, Xi ma endlile mafana hinkwawo. Kutani loko Xikwembu xi endla ndlela leyi sekwa ri nga fambaka ha yona, yaleyo i ndlela leyi masekwa hinkwawo ma nga ta famba hi yona.

¹⁵⁰ Kutani ma swi tiva leswaku swi ta endla yini xana? Swi ta hetelela swi dlaya sekwa. Ri tava leri ri oloveke, timpapa ta yena a ti nga kuli kahle. A ngaka a nga ha swikoti ku haha nakambe. Ntsena tani hi mutswala wa yena hoko, khwiri hinkwaro kumbe kuri hava sekwa. Wa vona? Wa hari hava tipapa leti ti nga ta n’wi rhwala. Hi swona sweswo. Wa vona? U tava lowo olova ngopfu ku kotisa mutswala wa yena hoko, vamakwerhu va yena va dinominexini lava va nga yeku ka helo. Wa vona? Sweswo hi swona. Wa vona? Hi swona sweswo. Sweswo hi swona hinkwaswo leswi a nga tava xiswona, xidyuhati lexi oloveke. A ngaka a nga tivi nchumu hi ku haha a ntshuxekile. Amen.

¹⁵¹ Yaleyo hi yona mhaka namuntlha. Hi ringeta ku va nghanisa eneten, ni ku va byela leswaku, “Masiku ya masingita ya hundzile. Nakona a nga ti tshembhi yena hi yexe, nenge wa yena wu susiwile ehansi. Wu nga n’wi dlaya. A ngaka a nga hanyi nkarhi wo leha.”

¹⁵² Kambe, ma swi tiva, leswaku xisekwani xexo xi nga ku, loko xi nga tlherisela hi ku hlamula xi nga ku, “Ee, ndza nkhensa.”

¹⁵³ “Oho, swa olova. U hava lexi u nga xi endlaka. Ntsena u nga hava ni maendlelo lawa u malavisaka xiswona.”

¹⁵⁴ A nga ku, “Ndza khesa. Ndzi endla hi laha ndzi lavaka ha kona, hikuva ku ni swin’wni eka mina, swi famba–fambaka. Amen. Kutani ndzi boheka ku endla hi ndlela leyi ndzi

yi lavaka.” Nakona munhu un’wana na un’wana loyi a nga tswariwa hi Moya wa Xikwembu, ku ni swin’wani swi famba-fambaka eka yena. U fanele ku hahela ematilweni ya vunwa, hi nyanyuko wun’wana, swin’wani nakambe leswi swi endlaka ntiyiso.

¹⁵⁵ Nakulori lontsongo u ta hetelela a fana ni huku, xinyenyani lexi fuyiweke. Ntsena a ngaka a nga ha swikoti ku susa nenge wa yena emisaveni nakambe. Swingaleswi loko tihuku ti nga ya emahlweni ti hahela empfhukeni, hikwalaho ka yini, a nga ha famba kahle. A nga ha ya evuxeni, evupela-dyambu, n’walungu, nale dzongeni, kutani mi vona swilo.

¹⁵⁶ Kutani xin’wani nakambe, ma swi vona, ntsena a ngaka a nga swi koti. Hikuva, epatwini ro suka eCanada, u rwalerile nhundzu yo hambana, swakudya leswi a nga taka a nga swi kumi loko mi ri na yena eka xihlengele, ntsena u phameriwa mavele minkarhi hinkwayo. Xana u nga swikota ku hlaya exikarhi ka mintila xana? Mi n’wi veka kwalahaya, swingaleswi ntsena a ti tiva Tidyondzo ta Vaapostolo, ti vitaniwa xisweswo, ni hi laha ku yiwaka hakona exikolweni xa Sonto, kutani sweswo hi swona hinkwaswo leswi swi nga kwalahaya; ku hakela muchumayeri, u tlhela u hanya hi ndlela leyi u yi lavaka.

¹⁵⁷ Kambe, oho, loko mi ri eku haheni, amen, loko mi ri eku haheni, mi rhwalela swo tala ku tlula tidyondzo ta dinominexini. Mi rhwalela tivhitamini, tivhitamini ta ximoya leti ti akaka miri lowu tiyeke, lowu wu nga tatiwa hi tihlampfana, wu ri ni tipiku ta timpapa leti ti nga ta ku tlakula minkondzo ya wena ni ku ku komba swilo leswi swi nga tata. Moya wo Kwetsima, “Loko Yena, Moya wo Kwetsema a ta, U ta mi komba swilo leswi, a mi paluxela swilo leswi Ndzi nga mi byela hi swona; u ta tlhela a mi komba swilo leswi swi nga tata.” Ina. Ee, a wu nge swikoti ku n’wi hoxa eneten i n’wi teka. Swi ngaka swi nga tirhi. Ee. Loko mi n’wi pfalela eneten, u kongoma eku dlayiweni.

¹⁵⁸ Hambi kuri munhu a nge se tshama a hlawula ndlela leyo antswa ku tlula leswi a nga swikotaka. Mi nga ha ya mi ya ku, “Sweswi, Nkul. Sekwa, ndzi ta ku byela swin’wani. U le ku fambeni hi ndlela yo hoxeka. U fanele ku famba hi *lahawani*, ncinka ndlela hi wexe. Famba hi le ribuwensi leri nga *lahawani*, ku fambekaka. Ya antswa ku tlula ndlela leyi u fambaka ha yona.” Ntsena swi ngaka swi nga tirhi. Ee. Ee. Va ehleketa leswaku va tiva ndlela yo antswa ku tlula ndlela leyi va nga nyikiwa yona hi Xikwembu. Kambe, va swi tiva.

¹⁵⁹ Kumbe, u nga va hlawulela murhangeri wo antswa ku tlula loyi Xikwembu xi nga va nyika yena? Kutani vanhu va nga ka va nga swi koti ku hlawula mubishopo, kumbe nhlangano, kumbe xin’wana lexi xi nga ta teka vurhangeri bya Moya

wo Kwetsima eka Kereke. Ku hava nchumu wun'wana lowu
wu nga swi endlaka. Ndlela leyi yi nga nyika hi Xikwembu!
Xikwembu xi va nyikile ndlela, Murhangeri, Murhangeri loyi
ahloholoteriweke.

¹⁶⁰ Kutani murhangeri yaloye u hloholoteriwile. Hikokwalaho
ka yini, ndzi va hlalerile minkarhi yo tala, loko ndzi teka
rendzo ro hubuta ro ya eku hloteni, mi landza tinyimpfu
kumbe swin'wani loko wa ha fanelia hi ku hubuta, ehenhla
etintshaveni. A ku kalanga kuva na gwitsi. Kumbexani,
kwalahaya ehenhla, gamboko nyana yaleyo yi ta funengeta
tshava. Moya walowo wo titimela wu ta kukula ehangsi hi ku
tsemekanya tshava. Ku ni murhangeri wa ntumbuluko loyi a
nga tswaleriwela byona. U ta khulukela etiveni lero tani hi
sweswo, kutani a hokoloka ka mune kumbe ka ntlhanu, kutani
kwalahaya ku ta humelela ntlhambhi. Ina, nkulukumba.
Hinkwavo va n'wi tiva. Va n'wi tiva hi ndlela leyi a hokolelaka
ha yona. Oho, mina!

¹⁶¹ Ma swi tiva leswi a ndzi ri eku vulavuleni hi swona
vusiku bya tolo, mhalamhala ya Evhangeli, loko yi humesa
mpfumawulo lowu nga twisisekiki. Mpumawulo wa Yena a
wu nyiki mpfumawulo lowu wu nga
twisisekiki. Hi wona masekwa ya ntiyiso. Ya tiva mpfumawulo
wa sekwa. Xana ku nga humelela yini loko ntsena u nga
vekela rin'wani ra khale ra xiviri kwalahaya, kumbe galakuni
xana? Marilele ya rona a ma ngavi wona. Ma tiva mpfumawulo
wa murhangeri.

¹⁶² Kutani na kereke yi fanelia ku wu tiva. "Kuva ni nghohe
ya vukhongeri, ni ku ala matimba ya byona," eka vona, mi
nga va pfumeleli va rhangela. "Vaxengi, lava tikurisaka, lava
rhandzaka ku tsaka ku tlula ku rhandza Xikwembu, lava nga
tshembhekiki, valumbeti, lava nga tiviki ku tikhoma," ni lava
va vengaka masekwa lawa ya kotaka ku haha. Wa vona? Xana
ma swi vona leswi ndzi swi vulaka xana? Wa vona?

¹⁶³ Va wu tiva mpfumawulo wa lowo wa Evhangeli.
"Nyimpfu ya mina yi tiva Rito ra Mina." [Xivati lexi nga riki
na nchumu eka thepi—Muhleri.] "Xi ta xi famba va ngaka
va nga xi landzeleri." Xikwembu minkarhi hinkwayo xa swi
khorwisa kahle.

¹⁶⁴ Xiyisisani, sweswi. Kutani va ngaka va nga kumi... U
ngaka u nga va hlawuleli. Ku nga humelela yini loko u nga
ya kwalahaya, u fika i ku, "Oho, yimani nyana, swisekwani.
Kahlekahe mi hoxile. Lahawani ku ri ni sekwa ra kahle ra
xinuna. Mina, ri languteka tani hi hosi exikarhi ka n'wina.
Nakona sweswi ma swi tiva leswi ndzi ya ka eku swiendleni
xana? Ndzi ya chela swimatani ehenhla ka nhloko ya yena,
nakona ndzi ya eku n'wi khanguleni. Ndzi ya n'wi endla
Hosi Sekwa. Nakona ndzi ya n'wi tlhandleka harhi, ndzi

n'wi ambexa ku hambana, swingaleswi leswaku hinkwerhu ka n'wina mi n'wi tiva. Minkarhi hinkwayo mi landzelela nakulorhi loyi a nga lahwani, hikuva u na ndhavuko." N'wi chucheni exidan'wanini. A nga ha huwelela hi laha a lavaka ha kona. Sekwa rin'wana na rin'wana ri ta n'wi fularhela, hikuva ri nyika mpfumawulo lowu nga twisisekiki. Ina.

¹⁶⁵ Kambe pfumelelani xisekwani xexo xi nga hlawula hi Xikwembu ku va murhangeri, n'wi pfumeleleni a huwelela, kutani mi hlalela loko hinkwavo va endla ntlhambhi wa mpfuxelelo. "Laha ntsumbu wu nga kona, magama ya ta hlengelatana kona." Ka swi tiva hinkwaswo ka swona. Wa vona? Swingaleswi Xi—Xi ni ndlela leyi xi nga yi nyika. Ni masekwa ya tiva ndlela leyi yi nga nyikiwa. Swibihe ngopfu hikuva wanuna ya loye a nga swi tivi. Hi swona. Kambe swi humelela hi ndlela yaleyo, sweswi. Hi swona.

¹⁶⁶ Loko a ri sekwa ra murhangeri leri nga hloholteriwa, u ta va tisa endzhawini leyi yi nyikeke hi Xikwembu ya vona. Kutani loko ntsena hi yingisela leswi Murhangeri a swi vulaka, Moya wo Kwetsima, U ta hi tlherisela endzhaku eRitweni nakambe. Ya leyo i ndlela leyi yi nga nyikiwa hi Xikwembu. Endleleni a hi lavi mikhuva na dinominexini, na swakudya swa nhova. Ku ni byasi hakunene bya masekwa ni swin'wana leswi hi nga swi dyaka, masekwa ya swi endla, ma ya ehansi. Nakona ku ni swakudya leswi...Hi ntiyiso, swi—swi swiluva swa Xikwembu, swivumbiwa swa vabohiwa va tilo leswi va swi dyaka endleleni, leswi swi nga leswaku, "Munhu a nga ka a nga hanyi hi vuswa ntsena, kambe ni hi Marito hinkwawo lawa ya humaka enon'wini wa Xikwembu." Wa vona?

¹⁶⁷ Sekwa lero, sekwa ra murhangeri, ri ta ma rhangela ku ya endzhawini leyi yi nga nyikiwa hi Xikwembu, ntsena hi ku lulama ku kotisa loko hi kongoma eLouisiana. Laha, rin'wana ra wona ri nga taka ri nga switivi leswaku ri ya kwihi, ma fike lahaya ma endla xirhendzeyutani kun'we.

¹⁶⁸ A ndzi ri eku hlayeni eka magazini ya *Life*, kwalomu ka malembe manharhu kumbe mune lawa ya nga hundza, laha a ku ri ni pilipili ra khale ra xinuna leri sunguleke ntlawa kwalahaya. Kutani a ri koxa leswaku hi rona murhangeri. Kutani xo sungula mi xi tivaka, ma haherile eNghilandhi, a ma kalanga ma vuya na sweswi. Hi swona. Swingaleswi ma fanela ku languta leswaku i muxaka muni wa sekwa kumbe pilipili ra xinuna leri va nga ri landzelaka. Swingaleswi va ri, kwalahaya eNghilandhi...Wona ma rila xi Canada, na wona. Kutani ma fikile lahaya eNghilandhi, ni hinkwako, ya ntlhambhi, kambe a ma ha yi tivi ndlela yo tlhelela endzhaku. Oho, mina!

¹⁶⁹ Swi bihe ngopfu loko kereke yi tlanga hi vunyingi bya sweswo, na yona, yi landzelela endhawini, a va ha switivi ku tlhelela endzhaku. Va ri, "Kunene, hina...Ndzi twisisa

leswi kokwani a nga swivula, minkarhi leyi kokwani a swi vuleke a vula leswaku kokwani wa yena u teri, leswaku a va tolloverile kuva na swikhongelo swa vavabyi ekerekeni. Leswaku minkarhi ya masingita yi hundzile,” mi pfumelela munhu a mi rhangela ku huma endleleni. Swa antswa mi landzelela ndlela leyi hloholteriweke ya Xikwembu, yi nga ndlela yi ri yoxe.

¹⁷⁰ Xiyisisani xisekwani lexi. Ku hava leri ri nga tshama ri ya rhangela ku hambana. Ntsena a ma swi tiva leswaku murhangeri lontsongo u ta ma rhangela ku ya endzhawini leyi yi nga nyikiwa hi Xikwembu. Nakona xana ri swi endlisa ku yini xana? Hi switirih swa Xona Xikwembu leswi xi swi nyikeke. U tshama a humesele ti eriyani ta yena ehandle, nkarhi hinkwawo, tani hi laha hi fanelaka ku va na ton, ti ta khoma Moya, tieriyani ta hina ta ximoya.

¹⁷¹ Sweswi, hi kuma leswaku u ta ya ehenhla emoyeni, ndlela yale henhla emoyeni. A humesele ni tieriyani ta yena ehandle. U tiva muxaka wa swakudya leswi swi faneleka ku hanya hi swona swisekwani, ku ta endla ku haha loku. Swingaleswi loko a rhwalela swin’wani ehansi, mi ta n’wi vona loko a phatsama, kutani a ku jaja ehansi. Ntlawa hinkwawo wu ta vuyela ehansi, ntsena ma va ni nkhuvo wo tlangela swakudya. Kutani u ta huwelela, ehenhla emoyeni ma taya nakambe, ma kongoma edzonga. Hi swona sweswo. Murhangeri wa Xikwembu, murhangeri wa Xikwembu wa masekwa. Hi swona sweswo.

¹⁷² Ndzi lava ku vula swin’wani nakambe. Ma swi tiva, a ya kalanga ya kuma swin’wani swa xisayense, va kuma ndlela yo antswa ya n’wana ya kuva a kuma leswi a swi lavaka handle ko swi rilela. Ma swi tiva, a va nga ta swikota ku ri dyondzisa ku ba tonoro. Nakona a va nga ta swikota ku ri dyondzisa ku vulavula sweswo hi ku hatlisa. Kambe ma swi tiva leswaku u nghene njhani xana? Ntsena u lo teka ndlela leyi yi nga nyikiwa hi Xikwembu ya swona. U yi rilerile, a huwelela, ni ku raha-raha, ni ku tlhava-mukhosu ku kondza a yi kuma. Wa vona? Hi swona. Yaleyohi yona ndlela yi ri yoxe, i ku yi rilela. A ma kumanga ndlela yo antswa leyi nga nyikiwa ku tlula leyi yi nga nyika hi Xikwembu. Hi swona. Ntsena swi tshikeni swi ti hundzela. Kutani swilo leswi swa ntumbuluko...

¹⁷³ Ndzi yimile, lahawani ku nga ri khale ngopfu, eJarimani, nakona a ndzi vulavula ni ntshungu lowukulu wa vanhu. Kutani ndzi ku, “Xana ku humelela yini hi n’wina ma Jarimani? Ma swi tiva, a ndzi ri ekuteni hi xitarata, kutani mbyana yi vukula, kutani yi vukurile hi Xinghedzi.” Ndzi ku, “Mhani un’wani a ri eku ringetenka ku wisisa n’wana wa yena kwalahaya emovheni, endzhakunyana, kutani a ri eku rileni, kutani a ri eku rileni hi Xinghedzi.” Ndzi ku, “Xana i ripfalo ra yini leri hi ri kumaka xana? Wa vona?

Va le ku fambeni hi ndlela leyi yi nga nyika hi Xikwembu. Nakona hi huma eka xihondzo xa Babel, ma swi vona, hi kumeka hi ri ni ripfalo.” Hi swona!

¹⁷⁴ Ma swi tiva leswaku ndlela leyi yi nga nyika hi Xikwembu i ndlela leyi yi nga kahle. A va tivi ndlela yin’wani yo antswa ya n’wana loko a lava swin’wana handle ka ku rila. Tani hi laha Dok. Bosworth a tolreveleke ku vula leswaku, “N’wana loyi a rilelaka ehenhla u kuma vukorhokeri bya kahle.” Yaleyo hi yona ndlela leyi yi nga xiswona.

¹⁷⁵ Yaleyo yi famba hi vana va Xikwembu. Ndzi nga ha mi vambherisela tona. Wanuna a yima, a tlakuka, a ku, a cakunyha chingama ya yena kahle, “Ma swi tiva, Tatana, ndzi lahwani madyambu lawa. Loko U swi lava ku ndzi nyika Moya wo Kwetsima, swi lulamile. Ndzi kona lahwani. Kambe loko U lava ku ndzi hanyisa, ndzi tshamile lahwani. Kambe loko U nga swi lavi, hikokwalaho ka yini, swi kahle. I ku rhandza ka Wena, Hosi.” Khale A tsarile ku rhandza ka yena, lahwani eBibeleni. “Loku hi kona ku rhandza ka Wena.” Swi kahle. Leyi hi yona ku rhandza ka Yena, kona *lahawani*. “Kutani loko U swi lava leswaku ndzi va na kona, ndzi tava na kona. Kambe, hambi swirlitano, loko U nga swi rhandzi, hikokwalaho ka yini, swi kahle.” A wu ngayi ka helo.

¹⁷⁶ Kambe pfumelani un’we a fika lahaya a fika a huwelela, tani hi Buddy Robinson. U yimile exikarhi ka nsimu ya mavele. A boha meyila ya yena. A ku, “Hosi, loko U nga ndzi nyiki Moya wo Kwetsima, loko U vuya u ta kuma nhulu ya marhambu yi pavalarile lahwani. Ndzi ta tshama lahwani ku kondza ndzi Wu kuma.” Sweswo i ku va ni mhaka.

¹⁷⁷ Minkarhi hinkwayo Xikwembu xi nyika vanhu va Xona, vana va Xona lava pfumelaka, leswaku hi minkarhi hinkwayo va famba hi ndlela leyi Xi nga va nyika yona. Yeleyo i miehleketo ya Xikwembu, ku nyika vana va Xona, ndlela ya Xona leyi xi yi nyikaka. Rilela leswi u swi lavaka. Xi lava wena leswaku u rila.

¹⁷⁸ Loko Petro a tava a sungurile, a famba ematini, a ehleketa leswaku u famba kahle. “Ma byi vona vukulu lebyi ndzi byi endlaka xana?” U sungurile ku mbombomela. A nga kalanga a ku, “Kunene, ndza pfumela leswaku swi feyirile,” ku ya ehansi emakumu, mabomu-bomu nyana ya humeleta, kutani sweswo a kuri hinkwaswo ka swona. Wa vona? Ee, Ee.

¹⁷⁹ U huwelerile a ku, “Hosi, ndzi ponise.” Amen. Kutani voko lero leri ri nga Heriki ri n’wi fikelerile ri n’wi tlakula nakambe. Hikokwalaho ka yini xana? U huwelerile.

¹⁸⁰ Yaleyo hi yona mhaka yi nga na kereke. A hi pavala li nkari wo leha lahaya. A hi rili nkari wo leha. A hi khomelei eka swona. Loko ricece ri lava swin’wani, ri ta raha-raha ri tlhela ri cema, ri hundzuka lero tshwuka

exikandzeni. Ha chava leswaku hi tava na (xana i yini, mi swi vitana yini?) maskhara eswikandzeni swa hina, kumbe hambi ku ngava yini, pende yaleyo. Mi kuma—mi kuma leswi mi swi lavaka eka Xikwembu, mi ta ti susa, hi mukhuva wun'wani. Swingaleswi, a mi fanelanga ku vilela ha swona. Mi ta thyakisa misisi ya n'wina, kambe sweswo a swi kali swi hambana. Ee. Ee, nkulukumba.

¹⁸¹ Sweswi, Xikwembu a xi hi langutelanga leswaku hi nga ta eka Xona ni mavulavulele ya vutlhari. Ndza swi tsundzuka leswaku ndzi swi ringetile sweswo loko ndza ha ringeta ku ponisiwa. A ndzi ya eku Xi tsaleleni ka papila kutani ndzi ri veka enhoveni, hikuva a ndzi swi tiva leswaku Xi ta ta hile nhoveni xi ta ndzi byela. Ndzi Xi byela leswaku ndzi ni tingana, nakona a ndzi—ndzi nga swi lavanga ku swi endla. Kutani ndzi rhelerile lahaya ndzi ya khongela. Ndzi ku, "Sweswi, a hi voneni. Ndzi vonile xifaniso siku rin'wani, lexi a va yimisile mavoko hi ndlela *leyi*." Ndzi ku, "Nkul. Yesu, ndzi tsakela leswaku U nga ta lahawani xinkadyana. Ndzi lava ku vulavula na Wena xinkadyana. Ndzi yingisile." A ku ngari na munhu. Ndzi ku, "Ndzi swi endle hi ku hoxisa. Swi kahle. Nkul. Yesu, kumbexani ndzi fanele ku swi endla hi ndlela *leyi*." Ndzi ku, "Nkul. Yesu, xana U nga ta u ta ndzi pfuna xana? Ndzi mudyohi. Ndzi lava ku vulavula na Wena xinkadyana." A ku tanga munhu. Ndzi khondlile mavoko ya mina. Ndzi ku, "Nkul. Yesu, xana U nga ta lahawani? Ndzi lava... Ndzi twa vanhu lava nge, 'Xikwembu vulavula na mina.'" Ndzi ku, "Nkul. Yesu, xana U nga ta lahawani xana? Ndzi lava ku vulavula na Wena."

¹⁸² Kunene, hi loko Javulosi a tivonakarisa. Yaleylo hi yona ndlela *leyi* a endlisaka xiswona. A nga ha mi byela leswaku, "Matsolo ya n'wina ya le ku vavisekeni. A ku na xilaveko xo kombela, wa vona. Wa rindzela, u ya swi kuma mundzuku na vusiku." U tshama a ri kona minkarhi hinkwayo loko mi nga lunghekanga. Kutani a ku eka mina... Kambe minkarhi hinkwayo, leswi a swivulaka, u va ni mhaka ni leswi a swi vulaka. U va na mhaka na swona.

¹⁸³ U teri eka mina, "Xana wa swi tiva leswaku i yini? Sweswi u na khume nkaye wa malembe, kumbe makume mbirhi wa malembe hi vukhale." A ku, "U ni makume mbirhi wa malembe hi vukhale. U rindzerile nkarhi lowo leha."

¹⁸⁴ Ndzi ku, "O Xikwembu, ndzi rindzerile nkarhi lowo leha. Hosi, hambi leswi Wena wo ka u nga ndzi yingisangiki, ndzi ta Ku byela hi mukhuva wun'wani. Minkarhi yo tala ndzi lava ku endla leswi." Oho, makwerhu, sweswo swi Xi tisile xi humelela. Wa vona? Xana a ku ri yini xana? Ku huwelela, ntseña swa olova. Huwelelani mi ku! "Hosi Yesu, U swi thembhisisile, Hosi." U ta ta a vonakala.

¹⁸⁵ Hi yona ndlela ya leyo ya kuva mi N'wi tisa a humelela. Ntsena mo va swihlangi. Rilani, mi swi rilela.

¹⁸⁶ Mi nga ringeti ku vula leswaku, kunene, swin'wani swo tala, swin'wanyani, ni swikhongelo swin'wani swa kahle leswi nga tsariwa mi ti toloveta eka swona, ku ringana awara kumbe timbirhi. Sweswo a swi kahle.

¹⁸⁷ Tani hi loko va ku, "Xana u te xikhongelo xana?" Ee. I xidyoho ku vula xin'we. U khongela kan'we. U nga ku kan'we. Khongela kan'we. "U nge xikhongelo xa mina."

¹⁸⁸ Ndzi ku, "U nga swi endli sweswo eka mina. U nga ha ndzi khongelela, kambe u nga vuli leswaku ku hava xikhongelo." Ee, nkulukumba. Ee, ntsena, ndzi khongeleli loko u khongela. Swi kahle.

¹⁸⁹ Rilela swilaveko swa wena. Ya leyo hi yona ndlela leyi yi nga nyika hi Xikwembu. Xana Yesu a nga yi hlamuselanga loko A teri muahluri la nga lulamangiki, eka wansati loyi a rileke nhlikani ni vusiku xana? Xana u tava nyika kangani Tatana wa le Tilweni Moya eka lava va Wu rilelaka, nhlikani ni vusiku xana? Lavani, tshamelani ro lava. Gongondzani, tshamelani ro gongondza. Ntsena tshamani mi endla tano ku kondza A mi pfulela. Tshamani ehandle na swona. Rilani ku kondza Rito leri tshembhisiveke ri tiyisiwa, swingaleswi mi tava mi ri kumile. A ma ha fanelanga kuvilela nakambe. Ma swi vona Bibele yi swi tshembhisile, kutani tshamani kwalahaya kutani mi rila ku kondza mi swi kuma.

¹⁹⁰ Loko n'wana a vona xikhekhani nakona a xilava, ntsena wa rila, ni ku rila, ni ku rila, a damarhela, a raha-raha, a huwelela, a kolola, a kala a tshwuka xikandza. Mana wa yena a kala a n'wi kumela xikhekhani, kutani swi tava swi herile. Wa vona? U kumile leswi a swi vona, leswi a swi lava. Loko a lava ku nantswa khoni ya ayisi khirimu ya wena, ntsena u ta tshamela roba huwa ku kondza a yi kuma. Wa vona?

¹⁹¹ Kunene, ya leyo hi yona ndlela leyi hi fanelaka ku swi endla. Loko ndzi vona xitshembhiso eBibeleni leyi yi nga Rito ra Xikwembu, ntsena ndzi tshama kwalahaya ni rila ku kondza Xikwembu xi ndzi nyika swona. Nakona Xi ta swi endla sweswo, xi mi susa emavokweni ya Xona; ma swi vona, sweswo swi tava eka ntumbuluko. Kambe Xi le ku mi laveni leswaku mi swi endla. Xi mi tsakela leswaku mi kombela. "Kombelani hi ntalo leswaku ntsako wa n'wina wu hetiseka." Ina. Ina.

¹⁹² Rilani ku kondza Rito ra Xona ri tiyisiwa. Sweswi, vanghana, ntsena a hi swi voneni nyana xinkadyana sweswi. Rilani ku kondza Rito ri tiyisiwa.

¹⁹³ Khombo ra kona i ku, hi kuma xikhekhani ni hinkwaswo leswi swi nga kwalahaya. Ku ni tafula leri ri nga tala hinkwaro. Hi kuma leswaku hi nga ha vulavula hi tidzimi, hi

ri, "Oho, makwerhu, hi swona sweswo." Oho, ee. Sweswo a hi swona. Ntsena sweswo swova swin'wani swa swona. Hi swona. "Oho, ndzi tsake ku ringanelu leswaku ndzi nga huwelela." Sweswo hi swin'wani swa swona. Kambe ku ni hinkwaswo ka swona swo tala. Ntsena tshamani eku rileni, ku kondza...

¹⁹⁴ Yaleylo i ndlela leyi nyikeke hi Xikwembu eka vanhu va Xona. Ndlela leyi yi nyikeke hi Xikwembu i ku teka Rito ra Xona hi khomelela eka Rona ku kondza Ri tiyisiwa eka n'wina. Sweswi, ma ndzi landzelela xana? Xikwembu, ndlela leyi xi nga yi nyika, khomelelani eka xitshembhiso ku kondza xi vonakarisiwa eka n'wina.

¹⁹⁵ Kutani, tsundzukani, ndzi le ku kandziyisiweni eka leswi. Leswaku, xitshembhiso xin'wani ni xin'wani xa Xikwembu eBibeleni, loko...Xi le xiyin'weni sweswi. Ntsena hikuva mi pfumela leswaku xi kwalahaya, leswi swi nga endlekiki swingaleswi swi ta humelela.

¹⁹⁶ Na vona Vafarisi ni Vasaduki ntsena a va ri va vukhongeri ni swilalelo leswi va nga vaka na swona. Kambe Xikwembu xi teri, "Va nun'hwa enhompfini ya Mina." Wa vona? A ku nga ri ni ku tshembheka. A kuri hava nchumu eka xona lexi xi nga vaka kona.

¹⁹⁷ Mi fanele ku fika ehenhleni ka tshako ra xitshembhiso, kutani swi ta ehenhleni ka maendlelo ya miehleketo ya n'wina eka xona.

¹⁹⁸ Langutani eka vaprista lava va mune wa madzana va minkarhi yaleylo, kumbe vaprefeta, Akab a humile kwalahaya. Va teri, "Ramoth-gilead i ya hina. Yosuwa, hi Moya wo Kwetsima, u swi avanyisile leswi. Ni Vasiria a vari na swona." Kutani muprefeta un'wani u teri, "Sweswi, langutani lahwani, walawo i mongo wa mhaka." Sweswi, a ri wa Baptist. Kutani a ku, "Sweswo hi swona. Xexo i xitshembhiso lexi xi tiyike, xitshembhiso. Tiko lero i ra hina." Swingaleswi u n'wi endlerile timhondzo timbirhi letikulu, kutani a ku, "Fambani lahaya, kutani mi teka timhondzo leti mi ya susumeta Siriya ri suka. Sweswo i swa Israel." Hi swona. Hi ntiyiso wa mhaka, a swi ri ntiyiso.

¹⁹⁹ Kambe xana Mikia lontsongo u teri yini xana? U teri, "Ndzi vonile Israel ri hangalakile ku kotisa tinyimpfu leti nga riki ni murisi." Wa vona?

²⁰⁰ Akab, mutikukumuxi ya loye loyi a nga lahaya, u pfumelela Yezebel a n'wi tsutsumisa-tsutsumisa hinkwako, a endla hinkwaswo. Rito ra ntayiso ra Xikwembu leri ri taka hi muprefeta, u rhukanile nchumu wa lowo. Nakona Xikwembu xi nga katekisa njhani leswi swi nga rhukanawa hi muprefeta hi Vito ra Hosi xana? Wa vona? A swi nge endleki.

²⁰¹ A swi na mhaka leswaku hi va tiko ra vukhongeri njhani, xana hi na vuyimelo bya njhani, swilo swi onhakile ni ku onhaka. Ri fambile.

²⁰² A swi na mhaka ni leswaku byi kahle ku fika kwihi vutomi bya hina bya vuvandla bya kereke, hi pfumela eka byona, byi sasekile, swi kahle, kambe i ku nchumu wu onhakile. Xikwembu khale xi va vekile ehenhla exelifini, kutani kwalahaya va vekiwa kona. Kutani ku hava na xiphemu xa matimu xa leswaku un'wani u tshame a pfuka nakambe. Swingaleswi, swi hoxekile. Swi hetisekile, swi susiwile. A swi sasekanga.

²⁰³ Rito ra Xona minkarhi hinkwayo Xi ri lava ri tiyisisiwa. Ri ta tiyisisiwa ehenhleni ka swiyimo swin'wani, kwalaho hi loko mi hlangana ni swiyimo sweswo. Mi va vonile vanhu lava va nga tekaka Rito ra Xikwembu kutani ntsena va ri endla ri va hanyela. Kutani van'wana va ta hile ndzhaku ni Rito leri ri fanaka nakona va nga endli nchumu hi rona. Ri le ka swipimelo. Hi swona.

²⁰⁴ Langutani lahwani. Ndzi ta mi komba xikombiso xa swona eBibeleni. Israel a ri ri endleni ya ku ya etikweni ra xitshembhiso. Lahawani ku humeleta Moab, loyi a ri—a ri wa vukhongeri byi n'we, swinene. Yaloye a ri n'wana wa xisati wa Lot. Kutani xiyisisani loko Balaam a ta, a kuri Xikwembu lexi a xi vulavula na yena. U vekile tialitari ta nkombo, ntsena tani hi Israel a ri ri na tialitari ta nkombo. U vekile switlhavelo swa nkombo leswo tenga, swa tihavi e alitarini. Sweswo hi swona ntsena leswi Israel a ri ri na swona. Kutani xin'wani, u vekile tinyimpfu ta nkombo ta xinuna, a vulavula hi ku ta ka Mesiya. Sweswo hi swona hakunene leswi Israel a ri ri na swona. Hi ntiyiso wa mhaka, ha vumbirhi a va ri kahle, hi ntiyiso wa mhaka. Kambe a swi ya hi swipimelo. Amen. U tsandzekile ku vona xitshembhiso xa ntiyiso lexi xi tshembhiseke hi Xikwembu.

²⁰⁵ Sweswo hi leswi swi fanaka nile ku teni ka Kreste. Sweswo swa ha fana ni leswi swi vuyaka namuntlha. Swi ya hi swipimelo. Hi swona.

²⁰⁶ Yobo. Xikwembu (xana xi le ku endleni ka yini?) xi le ku endleni ka ndlela leyi xi yi tiseke. Yobo, muprofeta, u lavile muchaveleri.

Sweswi, yingiselani swinene sweswi. Nkarhi wa mina wu fambile.

²⁰⁷ Yobo u lavile muchaveleri. Kutani vavanuna va ringetile ku n'wi tisela nchumu wa lowo, nakona va ngaka va nga swikoti ku swi endla. Minkarhi hinkwayo a va humesa Yobo endleleni. Kambe Yobo a tlhelela endzhaku. A lava muchaveleri. Xikwembu xi n'wi tiserile muchaveleri, loko Xi n'wi nyika xivono xa Yesu Kreste. Kutani u ririle a ku, "Ndza swi tiva

leswaku Mukutsuri wa mina wa hanya. Mukutsuri wa mina,” kova ni Un’we ntsena, “kutani emasikwini ya makumu U ta yima ehenhleni ka misava.” Sweswi tsundzukani xivono.

Mi ku, “Mukutsuri wa mina.””

²⁰⁸ Xi n’wi kombile Kreste. Kreste i Rito. “Eku sunguleni a ku ri ni Rito, nakona Rito a ri ri na Xikwembu, kutani Rito a xi ri Xikwembu. Kutani Rito ri endliwe nyama kutani yi tshama exikarhi ka hina.” Kutani loko Yobo, a ri muprefeta . . .

²⁰⁹ Sweswi yingisani. Yobo, kuva a ri muprefeta, Rito ra Hosi ri ta eka (mani?) muprefeta. Hi ku hetiseka. Kwalaho hi laha Rito ri yaka kona. Kwalaho hi laha mi ti vaka ha kona loko va ri vaprefeta kumbe va nga ri vona. Vatshama eRitweni. Rito ri paluxeriwa muprefeta. Nakona Yobo a ri muprefeta. A nga ta vona makumu, kambe loko a tava a vonile Rito, tani hi laha a nga muprefeta, u teri, “Ndza swi tiva leswaku Mukutsuri wa mina wa hanya,” endzhaku ka loko kereke yi tsandzekile, endzhzaku ka loko hinkwaswo swi tsandzekile.

²¹⁰ Hambi kuri nsati wa yena loyi a n’wi rhandzaka a n’wi tsandzekisile, kutani a n’wi lava leswaku a ku . . . “Hikokwalaho ka yini u ngayi emahlweni u rhukana Xikwembu, u fa rifu, Yobo?”

²¹¹ U teri, “U vulavula ku kotisa xihunguki xa wansati. Hosi yi nyikile; Hosi yi tekile; a ku katekisiwi Vito ra Hosi.” Kutani tindlati ti sungula ku duma-duma, ni rihat i ri vangama. Moya wu ta ehenhleni ka muprefeta, kutani u vonile Rito. Hi loko a ku, “Ndza swi tiva leswaku Mukutsuri wa mina wa hanya. Emasikwini ya makumu U ta yima ehenhla ka misava. Hambi swivungu swi nga hlasela miri lowu, hambi swi ri tano enyameni ndzi ta vona Xikwembu. Amen. Ndzi ta tivonela hi ndzexe. Mahlo ya mina ya ta swivona, kutani ku nga ri ma un’wani. A hi tisanga nchumu emisaveni leyi, kutani hakunene a hi nga teki nchumu. Hosi yi nyikile; Hosi yi tekile; a ku katikisiwi Vito ra Hosi.” I Muchaveleri wa njhani! U komberile xirho xa kereke; Xikwembu xi n’wi nyika xivono. U komberile bishopo leswaku a ta n’wi chavezela, mupresbeteria; Xikwembu xi nyikile muprefeta xivono. Sweswo hi leswi a swi lava.

²¹² Israel ri lavile ndlela yo huma Egipta. Va lavile ndlela yin’wani, matimba man’wani ya xivuthu kumbe swin’wani, leswaku ya va tshuxa emavokweni ya Vaigipta. Xikwembu xi tisile muprefeta ni Rito leri nga tiyisisiwa ra ntiyiso. Mux! A hi swona xana? A va languterile vuthu leri nga ta pfuka ri ta va humesa, ni ku ba Vaigipta va va hlula. Kambe Xikwembu xi va rhumerile Rito, muprefeta ni Rito leri tiyisisiweke leri Xikwembu xi ri vulavuleke emahlweni ka Abraham, xi ku, “Mbewu ya wena yi ta aka etikweni ra vamatiko. Kambe Ndzi ta va endzela hi voko ra matimba swinene,” Rito leri Xikwembu xi nga ri vula. A va rilela ku kuma loyi a nga ta va tshuxa, kutani Xikwembu xi va

rhumela muprefeta ni Rito. Xikwembu xi ni ndlela leyi xi nga yi nyika yo vula ku hambana exikarhi ka mupfumeri ni la nga pfumeriki. Kutani Xikwembu...

²¹³ Sweswi, va n'wana va vona va teri, "Kunene, sweswi, loko mintungu yi ta, ntsena hi ta ya exibedlhele. Loko ntungu—loko ntungu wu nga humeleta wu ta, wa switiva leswaku hi ta endla yini? Hi ta ya hi ya kuma Dok. Jones. U ta swi tiva leswaku u ta wu ntshungula njhani." A swi nga tirhi. Hambi swiritano, a va tlharihile. "Kunene, loko mintungu yi ta, ntsena hi ta ya ehansi ka misava, ebakwini, kutani hi pfala nyangwa." Sweswo a swi nga ta mi endlela swa kahle na swintsonga. "Hi ta tshama endlwini, kutani hi ambala timaska eswikandzeni swa hina, kutani—kutani hi tola na murhi wo sivela swintsongwa—ntsongwani eka tona." A swi nga endla na nchumu na wun'we wa kahle.

²¹⁴ Xikwembu xi endlile ndlela leyi xi nga yi nyika. Ina. Nakona (yini xana?) ya ngati. Xikwembu xi yi nyikile, hi laha swi tikombaka swi olova, ku teka ngati ya xinyimpfana u tota erivantini. Hambi swi ri tano, Xikwembu xi vule leswaku hi yona ndlela ya Xona, kutani Xi yi xiximile. "Hinkwaswo leswi a swi ngari ehansi ka ngati swi file, matevula."

²¹⁵ Loko Nowa a tava a lavile ndlela, ku ponisa va yindlu ya yena, Xikwembu xi n'wi byerile ku a aka ngalava. Kumbexani a va tava va akile byatso lebyi sorisaka. Sweswo hi leswi vanhu va swi ehleketa namuntlha. Kambe, ma swi vona, lebyi a byi ri byatso lebyo nhlawuleka. Nkarhi wun'wani va nga hava va vile na byatso, byo fana ni lebyi va nga na byona sweswi, kambe lebyi a byi ri byatso lebyo hlawuleka. A byi ri... Ndzi yingiseni sweswi. A ku ri byatso lebyi endliveke hi Xikwembu.

²¹⁶ Kutani kereke namuntlha yi hi ndlela yaleyo. Yi fanele kuva kereke leyi akiweke hi Bibebe. Ntokoto wa mina a hi kuva xirho xa kahle ekerekeni, kambe ntokoto lowu wu nga endlawa hi Rito ra Xikwembu. "Masingita lawa ya ta endlawa hi lava va pfumelaka." Ntokoto lowu nga endlawa hi Xikwembu, nchumu lowu wu nga ta ndzi tlakulela ehenhla. Wa ha ri wona nchumu wun'we lowu wu nga ta mi tlakulela ehenhla.

²¹⁷ Hinkwaswo swi ya tlakuleriwa ehenhla ka sweswo, a ndzi na mhaka leswaku vangan, "Ndza ta..." Mi ri, "Languta, ndzi—ndzi mu Methodist wa kahle, Baptist, Presbyterian, kumbe mu Pentekostal." Sweswo a swi vuli nchumu na wun'we eka Xikwembu.

²¹⁸ Swi fanele kuya hi ku lerisa ka Xikwembu. Kutani wolowo i Moya wo Kwetsima, hi Rito. Nakona Moya wo Kwetsima wu nga ka wu nga lerisi nchumu handle ka Rito, hikuva hi Rona Moya wo Kwetsima. Vavanuna va fambisiwile, oho, va tsarile Bibebe hi Moya wo Kwetsima, ndlela leyi nga nyika hi Xikwembu.

²¹⁹ Sweswi, Israel a ri lava ti—ti timbuva. Kutani Xikwembu xi va nyike tona, kutani xi ava mupfumeri eka loyi a nga pfumeriki. Swa ha fana ni namuntlha, mupfumeri ni la nga pfumeriki, vahambanyisiwile.

²²⁰ Muxe. Ndzi fanele ku tlula tinotsi to hlaya sweswi. Kambe, Muxe, nandza wo tshembheka wa Xikwembu!

²²¹ Sweswi yingisani, swidyuhati. Van'wani va n'wina mi fana na mina, lava malembe ya vona ya yaka ya tala, yingisani.

²²² Muxe u tirherile Xikwembu hi ku tshembheka. U byarhile ku holoveriwa hi vona hinkwavo, ni hinkwavo va Dathan lava pfukeke va ku, “Va ri, ku ni vavanuna van'wani lava nga vaprofeta ehandle ka wena. A hi wena u ri wexe xiribyana xa nkoka lexi nga ebichini.” Kutani a swi tiva leswaku a ri ni hungu ra Xikwembu eka vona. Vaencenyeti va pfukile.

Muxe ntsena u teri, “Xikwembu, xana ndzi nga endla yini xana?”

²²³ Hi loko Xi ku, “Ti hambanyisi. Ntsena Ndzi ta mita hinkwaswo. Teka tinhonga ta wena, kutani u ya nghena lahaya u ya vona leswaku hi yihi a hlukaka. Wa vona? Ndzi ta ku komba leswaku hi wihi muprista, i mani muprofeta.”

²²⁴ Kutani Muxe u tirherile hofisi hi ku tshembheka. Swingaleswi loko a dyuharile, a ri ni dzana ni makume mbirhi wa malembe a ri la a ha famba hi ku tshembheka ni Xikwembu. Hinkwavo malembe lawa ya mune wa makume a ri emananga, u yimerile mixaniseko ya matiko ni vanhu, a nga ninginiki. Kutani ku fikile ndhawu laha a fanele a fa. U lavile ndhawu yo fela kona. Xikwembu xi n'wi nyikile ndhawu eRibyeni.

²²⁵ O Xikwembu, u nge ndzi fela kwalahaya, na mina, ehenhla ka Ribye. Ribye a kuri Kreste, ma swi tiva. Xikwembu xi nyikile Muxe ndhawu yo fela kona. Kwalaho hi laha, ntsena, ndzi lavaka ku fela kona. Mi nge ndzi fela eka Kreste.

²²⁶ Kutani loko a tava a file, miri wa yena a wu etlerile kwalahaya ehenhla, u lavile lava va nga ta rhwala ntsumbu wa yena. Swingaleswi Xikwembu xi tisile varhwali va ntsumbu, Tinsumi. Hikokwalaho ka yini xana? Hi tona tiri Toxe ti nga n'wi yisaka laha a ya kona. Amen. Xikwembu xi tisile varhwali va ntsumbu. Hi swona.

²²⁷ Ndzi tshembhele ehenhleni ka Moya wo Kwetsima, ehenhleni ka Rito, xitsembhiso. Ku nga ri ku tekiwa mi yisiwa eka ku lahliwa ka kahle loku kulu. Va swi endlerile xifumu hi ndlela ya leyo, kambe u tlakuserile mahlo ya yena etheleni. Wa vona? Ku nga ri ku lahla loko durha. A swi kali swi hambana. Ndzi lava ku teka ndlela leyi yi nga nyika hi Xikwembu. “Vona lava va nga eka Kreste Xikwembu xi tava tisa na Yena loko A vuya.” Teto i timbuva. Xikwembu xi endlerile muprofeta wa Xona wo tshembheka ndzhawu yo fela kona.

²²⁸ Enok, endzhaku ka ku famba malembe ya ntlhanu wa madzana na Xikwembu, kutani Xikwembu xi n'wi byerile leswaku, "Enok, a wu fanelanga ku fa. U fanele ku ta ekaya rale henhla? Xana u navela ekaya, Enok?"

A ku, "Ina, Hosi. Ndzi navela ekaya."

²²⁹ Xi ku, "U ngava u enerile ku famba endlwini ya mintungu?"

U teri, "Ina."

Xi ku, "Swi kahle, ntsena sungula ku famba."

²³⁰ Enok u lavile xitepisi. Xikwembu xi n'wi nyika ndlela yale henhla. Yaley a yi ri ndlela ya Xikwembu eka yena. Xi n'wi nyikile ndlela yale henhla, ehenhla! A nga... Ntsena u lo ya ehenhla, tani hi *sweswo*. A nga kalanga a hela matimba, eka hinkwaswo. Ntsena u lo tsutsumela ehenhla; kutani Moya wo Kwetsima, wu ri endzhaku ka yena, wu n'wi tlakusele ehenhla. U fambil a ya ehenhla hi ndlela yale henhla yo kwetsima, ku ya fika eMfun'weni wa Xikwembu.

²³¹ Elia, endzhaku ka loko a sorile misisi leyi yi nga bobiwa ni swikandza leswi swi pendikeke, vutomi bya yena hinkwabyo, swa Yesabel yaloye, wansati wo sungula, yena ni presidente wo tiveka wa minkarhi yaley, loyi a nga veka xikombiso xo siwaneka emahlweni ka vanhu ni ku va endla hinkwavo va fambisa xisweswo. Kutani—kutani, kahle—kahle, a ehleketa leswaku a ri yena a ri yexe a chumayelaka sweswo. Ntsena u swi rhwarile ndlela hinkwayo. Nakona u endlile swo tala, ku kondza laha a karhalaka, kutani u lavile kuya ekaya. Kutani a swi tiva leswaku Xikwembu xi huma Ehenhla. U lavile ntambhu yo gonya, hi yona ehenhla, ku ya eTilweni, kambe Xikwembu xi n'wi rhumerile golonyi ley iyi ri na tihanci timbirhi. Yaley a yi ri ndlela leyi yi nga nyika hi Xikwembu yo n'wi teka. Swi nga ha endleka a langutele ntambhu, kambe Xikwembu xi rhumerile golonyi. Yaley a yi ri ndlela ya Xona. Yoshuwa...

²³² Kutani emakun'wini ka ndlela hinkwayo, walawa a ya ri makumu ya Eliya. Yaloye a ri Nowa. Sweswo a swi ri, swa nkarhi hinkwawo, emakumu.

²³³ Sweswi, Yoshuwa, loko a fika emakun'wini wa ntila ya ndlela, emananga, langutani, u lavile buloho ra ku pela Yordan, ku ya etikweni ra xitshembhiso. Xikwembu... Yena, u lavile buloho. Kambe ndlela leyi yi nga nyika hi Xikwembu a kuri matimba, ku nga ri buloho. Xi rhumerile matimba, kutani Xitlherisile mati endzhaku. Kutani u fambil a pela etikweni leri omeke. Yaley a yi ri ndlela leyi yi nga nyikiwa hi Xikwembu, ku nga ri buloho. A ri ni Injhiniyara wa kahle. Swingaleswi, ntsena Xi n'wi rhumerile matimba, lama a nga sukumetela mati ya tlhelela endzhaku ku kondza a famba endzhawini ley iomeke.

²³⁴ Daniel, hi xivangelo xa Xikwembu, u hoxiwile ekheleni ra tinghalo. U lavile fense, kambe Xikwembu xi n'wi rhumerile Ntsumi. Ku hambana yini! Yaleylo i ndlela leyi yi nyikeke hi Xikwembu. U lavile fense, kambe Xikwembu xi n'wi nyika Ntsumi. Hi yihi fense leyi yi antswaka! Minkarhi hinkwayo Xi mi nyika swo antswa ku tlula leswi mi swi kombelaka, minkarhi hinkwayo. Ina. U lavile fense; Xikwembu xi n'wi rhumerile Ntsumi.

²³⁵ Vana va Vaheveru, va lavile mati, ku timela ndzilo wolowo. Kambe Xikwembu xi va rhumerile Wanuna wa vumune. Yaloye a ri hinkwaswo leswi a va swi lava. U va ntshunxile mavoko, kutani a vulavula na vona. Va humile va nga ri ni ku nuhwa ka ndzilo. A va lava mati; Xi va rhumerile Wanuna wa vumune.

²³⁶ Vavanuna lavo tlhariha eBabilona, ehenhla eIndia, va swi tivile leswaku swin'wani swi tilulamisela ku humelela. Va swi tivile leswaku Hosi yi velekiwile, kutani va lavile khompasi. Xikwembu xi va rhumerile nyeleti ku va rhangela ku ya laha ku nga na Hosi. Wa vona? Va fambile hi ndlela leyi yi nga nyika hi Xikwembu. Ntsena ndzi nga ha khumbhula van'wani va vona loko va ku, "Va ku, Balthazar, wa swi tiva, i wanuna lonkulu. Xana u te na khompasi?"

A ku, "Ee."

"Kunene, xana u ta nghena njhani kwalahaya?"

"Ndzi famba hi ndlela leyi yi nga nyika hi Xikwembu." Yaleylo hi yona ndlela.

"Xana u ta fika njhani kwalahaya?"

"Hi ndlela leyi yi nga nyika hi Xikwembu."

"Xana i ncini sweswo?"

²³⁷ "Nyeleti ya leyo, hi yona. Yaleylo hi yona ndlela leyi hi nga nyikiwa yona hi Xikwembu." Va lavile khompasi, kutani Xikwembu xi va nyika nyeleti.

²³⁸ Misava yi lavile Muponisi siku rin'wani, kutani Xikwembu xi ti tisela N'wana wa Xona. Loko A ta, A nga tiviwanga. A nga laviwi. Va teri va lava Muponisi. Kambe loko Xikwembu xi n'wi rhumela hi ndlela ya Xona... Va komberile hosi; Xikwembu xi va nyika N'wana. A va langutele wanuna wa matimba loyi a nga ta rhikinyela wo huma eRhoma. Xikwembu xi va nyika lontsongo, N'wana la rilaka a xitlatini. Wa vona? Kambe a yi ri ndlela leyi yi nga tisa hi Xikwembu. Hina... Kambe a va swi lavisanga swona hi ndlela leyi Xikwembu a xi lava ku va rhumela hi yona. A va swi lava hi ndlela leyi a va swi lava hi yona. Wa vona? Swingaleswi, manuku, va nghene emunyameni hikokwalaho ka kuva va nga yi amukelanga ndlela ya Xona. Ku ni van'wana lava va nga swi endla.

²³⁹ Leyi a yi ri ndhawu laha Kereke yi nga tswaleriwa kona, a ku ri ePentekosta, endzhaku ka loko Yesu a va lerisile ku “Famba misava hinkwayo va chumayila Evhangeli eka swivumbiwa hinkwaswo. Masingita lawa ya ta endliwa hi lava va pfumelaka.” U va byerile leswi va nga ta swi endla. U va byerile ku ya ehenhla, edorobeni ra Yerusalem, ku ya rindzela. Va lavile tsalwa ra milawu. Va lavile tsalwa ra milawu. Va lavile ku pfapfarhuta mikhuva ya kereke. Xikwembu xi va nyika Moya wo Kwetsima. Oho! Va lavile dinominexini, kambe Xikwembu xi va nyika Moya. I ku hambana ka njhani, xi ngava xi swi endlisa ku yini Xikwembu! Moya wo Kwetsima i ndlela leyi nga nyika hi Xikwembu ku rhangela Kereke, ku nga ri bishopo. Moya wo Kwetsima, wa lowo, a ku ri tsalwa ra milawu ya vona. Nakona ku sukela siku lero, ku fika sweswi, i tsalwa ra milawu ra n’wana un’wana na un’wana wa ntiyiso loyi a nga tswariwa: Moya wo Kwetsima.

²⁴⁰ Sweswi, endzhaku ka magidi mbirhi wa malembe, vanghana. Ha pfala. Sweswi, endzhaku ka magidi mbirhi wa malembe, munhu u hlamuserile kuva a ri ni ndlela leyi yi nga ya yena. U tiendlerile tsalwa ra milawu. U tiendlerile milawu leyi yi nga endliwa hi vunene bya munhu. A tlhela a endla yini? Swi vuye swi va, ha yona, ku wa lokukulu loku ku nga ekule ni Ntiyiso. Va humile eka... Vanhu a va switivi leswi va nga swi endlaka. Mikhuva ya kereke, tidinominexini, hinkwato tixaka ta izims, vutitwi, kutani un’wani ni un’wani u ri, “Bibele yi vula *leswi*.” Va ta teka xiphemu *lexi* ntsexa Yona, kambe va nga teki xiphemu *xexo* xa Yona. A va landzeleli tsalwa ra milawu, swingaleswi va lahlekeriwa hi xivangelo. Kutani endzhaku ka malembe lawa hinkwawo, loko hi tava hi ri ni madzana ya nkaye ni swin’wani swo hambana swa mavandla ya Vukreste, kutani yin’wani yi sola yin’wani, kutani yi ku, “*Leyi* yi kahle, kuveni a va kahle; kutani *leyi* yi kahle, kutani *yaleyo* a yi kahle,” ni kuya emahlweni. Kutani swisiwana swa vanhu swa mpfilunganyeka a va ha switivi leswaku ya kahle hi yihi leyi nga riki kahle hi yihi.

²⁴¹ Xana hi lava yini? Hi fanele ku tlhelela endzhaku eka xivangelo, ku tlhelela endzhaku eka tsalwa ra milawu. Xana hi lava yini? Hi lava ra xiviri, ntiyiso wa xikombiso xa Tsalwa ra Ntiyiso. Evhangeli leyi yi nga tiyisisiwa ya Ntiyiso hi leyi Kereke yi yi lavaka eka ndlela leyi ya nkarhi wa makumu. Xikwembu xitshembhisile ku va nyika xikombisa esikwini leri ro hetelela.

²⁴² Ma swi tsundzuka loko Yesu a ri eku vulavuleni kutani a ku, “Hosikazi yale dzongeni yi ta pfuka hi siku ro hetelela, yi ta pfuka yi ta sola rixaka leri”? U huma eka mathlolo yale henhla ya swiyenge swa misava, ku ta yingisela vutlharchi bya

Solomon. A ri ni moya lowu wu vonisisaka. Hi laha a humaka ha kona ekule, ku ta vona moya wa lowo lowu wu vonisisaka! A ku, "Lonkulu la tlulaka Solomon u lahayani."

²⁴³ U teri, na yena, "Tani hi le...ku kotisa muprofeta Yonasi. Yonasi, tani hi laha a ri ekhwirini ra nkavangaheti masiku manharhu ni vusiku bya kona, swingaleswi ni N'wana wa munhu u tava embilwini ya misava, masiku manharhu ni vusiku bya kona." Kutani A ku, "Rixaka lero biha ni vaoswi va ta lava ni ku sala masingita hile ndzhaku." Loko xexo xi ngari xikombiso, kumbe rixaka lero, a ndzi tivi leswaku ri le kwihi: lavo biha, lava biheke, lava yaka ekerekeni, rixaka leri nga hungukiwa. Va ta lava masingita, kutani U teri va ta ya kuma. "Tani hi laha Yonasi a ri ekhwirini ra nkavangaheti masiku manharhu, swingaleswi ni N'wana wa munhu u tava embilwini ya misava." Kambe ku tava ni ku pfuka, ku kotisa Yonasi a humeke ekhwirini ra nkavangaheti.

²⁴⁴ Malakia, kuavanyisa ka vu4, yi hi tshembhisile leswaku emasikwini ya makumu, leswaku, "Ku tata Hungu leri nga ta vuyisela timbilu ta vana endzhaku eka Ripfumelo ra vatatana, Ripfumelo ra ntiyiso ra vatatana." Va swi tshembhisile sweswo. Yesu u swi tshembhisile. Ripfumelo ra vapfumeri va nkarhi wa makumu ri ta vona xikombiso xa ntiyiso xa Mesiya. Xiyisisani. Loko A pfuxiwile eku feni...Kutani tidyondzo ta kereke ti N'wi humeserile ehandle, malembe lawa hinkwawo, ni ku tsan'wa Ntiyiso walowo. Swingaleswi xilo lexi hi fanelaka ku xi languta, emasikwini ya makumu, i ku tlhelela endzhaku eka—eka Ripfumelo ra ntiyiso, ku tlhelela endzhaku eka Ripfumelo ra vatatana va pentekostal lavo rhanga.

²⁴⁵ Kutani va vonile ku pfuka ka Yena. Kutani namunlha ha ku vona ku pfuka ka Yena, xikombiso xa ku pfuka ka Yena. Yonasi, masiku manharhu ni vusiku bya kona a ri khwirini ra nkavangaheti, kutani hi siku ra vunharhu u pfukile endzeni ka nkavangaheti. Yesu u pfukile ekufeni, endzhaku ka loko a hetile masiku manharhu a ri endzeni ka khwiri ra yona. Magidi mbirhi wa malembe A nga ri kona ekerekeni. Kambe U tshembhisile, hi Yoel, "Leswi nga siyiwa hi gerere, xijajani xi swi dyile. Kambe Ndzi ta tlherisela, ku vula Hosi, hinkwaswo leswi gerere, na xijajani, na njiya, ni swin'wani, swi swi dyeke. Ndzi ta swi tlherisela hi masiku ya makumu."

²⁴⁶ Muprofeta u teri, "Ku tava ni Rivoni hi nkarhi wa ni madyambu." Dyambu reriya ri vangamaka evuxeni ra hari rona leri ri vangamaka evupela-dyambu. Ri tava siku, siku ra munyama. Va joyinile, va tlhela va nghenisa tidyondzo ta kereke ni swin'wani. Kambe hi nkarhi wa ni madyambu ku tava ni Rivoni: dyambu reriya, mbuyelo wa luwa, masingita ya lawaya, swihlamariso sweswiya, hi nkarhi wa ni madyambu.

²⁴⁷ Xana U ti khorwise njhani Yena leswaku hi yena Mesiya xana? Sweswi, xivutiso xi ri, endzhaku ka magidi mambirhi wa malembe ya ku lwisana na swona hi ku swi nghanghamelela, xana wa ha ri Mesiya xana? Kunene, leswi A ri xiswona emasunguleni, Vaheveru 13:8 yi te, “Wa ha ri yena wa tolo, namuntlha, ni hi laha ku nga heriki.” Leswi A ri xiswona ekusunguleni, U fanele kuva xiswona namuntlha. Xana U ti khorwisa njhani hi Yena leswaku hi yena Mesiya xana? Ku ya hi Rito ra Xikwembu. “Hikuva Xikwembu xi teri,” ha Muxe, “Hosi Xikwembu xa n’wina xi ta mi pfuxela muprofeta la fanaka na mina.”

²⁴⁸ Xexo hi xona xivangelo xa wansati exihlobyen, loko A tava a n’wi byerile swidyo ho swa yena, “Hikokwalaho ka yini,” u teri, “Nkulukumba, ndza pfumela leswaku U muprofeta. Ha swi tiva leswaku loko Mesiya a ta U ta hi byela swilo leswi.”

A ku, “Hi Mina, la vulavulaka na wena.”

²⁴⁹ U tsutsumile hi ku hatlisa a ya byela vanhu edorobeni. “Tanani, mi ta vona Wanuna Loyi a ndzi byelete leswi ndzi nga swi endla. Xana a hi yena Mesiya xana?” Kutani vanhu va swi pfumerile, hikuva a va langutele xikombiso xexo xa Mesiya, ku ringana madzana ya mune wa malembe va nga ri ni muprofeta.

²⁵⁰ Yesu u teri, “Tani hi laha a swi ri ha kona eminkarhini ya Lot, swingaleswi swi tava tano eku vuyeni ka N’wana wa munhu,” loko Xikwembu xi ti paluxa hi Xoxe emirini wa nyama, xi dya nyama ya—ya rhole, xi nwa masi ya homu, kutani xi tshama lahaya emahlweni ka vona. Xikwembu, Yehovha, Xona xi tivonakarisile enyameni, nhlana wa Xona wu langutile etendeni, kutani xi hlamusela leswi Sarah a vulavula hi swona etendeni.

²⁵¹ “Ku tava ni Rivoni hinkarhi wa ni madyambu.” Rito leri tiyisiweke ra Xikwembu i xikombiso xa siku leri hi hanyaka eka rona. Ku tava ni Rivoni. Kutani Xi swi tshembhisile, hi Malakia 4, hi tindzhawu to tala eBibeleni, leswaku vanhu va nkarhi wa makumu va ta vona ku vonakarisiwa kun’we ni loku va ku voneke, hikuva Xi ngaka xi nga ncinci xikombiso xexo. Xi swi tshembhisile.

²⁵² Sweswi, hi N’wi twile loko a vulavula hi tindzimi eXihambanweni. Hi N’wi vonile a endla swilo hinkwaswo leswi A swi endleke. Hi yi vonile Kereke ya apostolo endzhaku lahaya emasunguleni, hilaha Kereke ya apostolo, mafambelo lawa va ma endleke. Ha swi vona swi tlhelela endzhaku eka Kereke lahawani nakambe eka masiku yo hetelela. Xana i yini? I Xikwembu, xi tiyisisaka, ntsena tani hi laha Xi swi endleleke Muxe, ku kotisa hilaha Xi swi endleke eka tinguva. Xi nyikile ndlela leyi hi nga tako hi nga xisiwi, leyi hi nga ta swi tiva. Yesu u teri, eka Yohana 14:12, “Loyi a pfumelaka eka

Mina, masingita lawa Ndzi ma endlaka, mintirho leyi Ndzi yi endlaka, u ta yi endla na yena.” Sweswo swi tava tano. Sweswi, loko A fa kutani a va A file, swi nga leswi mintirho ya bona ya hundza. Kambe loko A hanya nakambe, swi nga leswi mintirho ya Yena yi ta ya emahlwени hi laha a yi ri ha kona, hikuva hi Yena wa tolo, namuntlha, ni hi laha ku nga heriki. Ma swi pfumela sweswo xana? [Nhlengelatano yi ku, “Amen.”—Muhleri.]

²⁵³ Yingiselani. Mi nge ndzi vula leswi. Yesu u khorwisile leswaku A ri Mesiya, hi swikombiso swa Bibele swa Mesiya. U swi khorwisile. A ri tano. Sweswi, i nga ku Xikwembu xi nga ndzi pfumelela ndzi khorwisa leswaku Yena wa ha ri ya luya. Ma swi pfumela xana? U swi khorwisile. A ri tano. U khorwisile leswaku A ri tano. I nga ku mina, hi tintswalo ta Xikwembu, ndzi khorwisa leswaku U tano. U khorwisile leswaku A ri tano. Sweswi a hi swi kambisiseni loko A ri tano. Sweswo hi swona hakunene A nga swi tshembhissa. Sweswo hi leswi A nga swi vula. Yaleyo hi yona ndlela leyi A nga yi vula. “Kutani masingita lawa ya ta endliliwa hi bona lava va pfumelaka.”

²⁵⁴ Xana i yini? Ndlela leyi yi nga nyika hi Xikwembu, ndlela ya ku pfuka. Nchumu lowu wu humesaka munhu eka vuphukuphuku bya yena, a ta eka Rivoni ra Evhangeli; wu n’wi susa eka byongo bya vutlharhi, ku kotisa ntshikelelo wun’wani lowukulu wa muchini, kutani a tsongahata mbilu ya yena emahlwени ka Xikwembu.

²⁵⁵ “Kunene,” mi ri, “wanuna yaloye u tlharihile, Makwerhu Branham. U na tidigiri ta mune. U na Bachelor of Art. U na hinkwaswo *leswi*.” A ndzi na mhaka ni leswaku u na yini. U ta fanela ku rivala hinkwaswo leswi a swi dyondzeke, ku ri ku endlela ku tiva Kreste. Hi swona sweswo. U ta fanela ku titsongahata hi yexe ni kuva a fambela ekule ni hinkwaswo leswi misava yi n’wi endleke swona.

²⁵⁶ Kutani mi dyondza Kreste hi yumunhu, mi ri karhi mi N’wi pfumela eka nkarhi wa ni madyambu. Xana ndzi vule yini lahwani, emasunguleni xana? Xana a ku ri yini leswi a ndzi vulavula hi swona lahwani xana? *Ku Amukela Ndlela leyi Yi Nga Nyika Hi Xikwembu Enkarhini Wa Makumu*. Un’wana wa vavanuna lava, nkarhi wun’wana eBibeleni, hi ku ya hi ntumbuluko, ha swi bona.

²⁵⁷ Sweswi, Xikwembu a xi teki nsinya namuntlha, kutani xi wu endla swin’wana, kutani mundzuku xi wu endla swin’wani nakambe. Ee. Xi endla siku, namuntlha sapu yi ya ehansi, mundzuku yi ta hi ndlela yin’wani, kutani nkarhi lowu landzelaka Xi va humesela sapu ehandle? Ee.

²⁵⁸ U tshama eka xivangelo. Kutani un’wani ni un’wani wa vavanuna lava a hi vulavula hi bona, kuya hi Bibele,

Xikwembu xi tshamile eka xivangelo xa Xona na vona, ku ya hi Rito ra Xona. Ku nga ri un'wani wa vona kambe ku ri leswi swi nga eRitweni ra Xona, kuya hi Bibele hinkwayo, hakunene eRitweni ra Xona.

²⁵⁹ Manuku loko mi ku, “Kunene, hakunene nile Ritweni ra Yena,” kutani U swi tiyisisile leswaku i Ntiyiso.

²⁶⁰ Sweswi Wa ha ri eka xivangelo, madyambu lawa, loko ntsena hi nga swi pfumela. Xana mi nga swi pfumela xana? [Nhlengeletano yi ku, “Amen.”—Muhleri.]

²⁶¹ A hi korhamiseni tinhloko ta hina. Sweswi, ntsena hi ku xixima tani hi laha mi nga vaka ha kona, xinkadyana.

²⁶² Ndlela leyi yi nga nyika hi Xikwembu, leswaku Xi nga ha tisa vapfumeri eka Ripfumelo ra ku Vutliwa. Ndlela ya Xikwembu, ndlela leyi Xi yi nyikeke, yo tisa vapfumeri eka Ripfumelo ra ku Vutliwa.

²⁶³ Ndzi nga si vitana lava tweke rito, ndzi tsakela ku vula leswi. Ndzi ti twa ndzi rhangeriwa ku endla leswi. Xana ku ni vanhu lava vabyaka laha ndlwini xana? Yimisani mavoko ya n'wina.

²⁶⁴ Ndzi ya eku mi kombeleni leswaku ntsena mi miyela, mi tshamiseka, ntsena ku ringana minete. Sweswi, hi tava hi humile endzhaku ka ntlhanu wa timinetse tin'wana, loko ntsena mi nga xixima hi ntiyiso.

²⁶⁵ Sweswi, wa vona, n'wina, loko mi ri ku kavanyeteni, mi le ku kavanyeteni ka un'wani.

²⁶⁶ Ndzi ni hinkwaswo eka vulawuri bya Moya wo Kwetsima. Ndza boheka kuva na swona, hi ku endlela leswi. Xikwembu xi endlile xitshembhiso. A ku ngari mina. Hi Xona xi nga endla xitshembhiso.

²⁶⁷ Sweswi, tani hi laha ndzi swi tivisaka xiswona, ku ni vanhu lahwani lava ndzi va tivaka. Ndzi kota ku vona van'wana. Ndzi fanerile, kwalomu, ka mune wa vanhu lava ndzi va tivaka. Kutani un'wani wa vona i Makwerhu Williams lahwani, na Makwerhu Rose wa xinuna. Ndza va tiva. Na Manana Sharritt u tshamile lahaya erivantini. Mina, xivangelo, ndza n'wi tiva. Lahawani ku na Sesi Williams u tshamile lahwani. Ndza n'wi tiva.

²⁶⁸ Kutani manana loyi a nga tshama lahwani, kwalomu ka tilayini timbirhi emahlweni ka mina lahwani, u tirha evhengeleni ro omisa tinhundzu, nakona i munghana endyangweni. A ndzi ri tivi vito ra yena, kambe ndzi pfumela leswaku i xirho xa kereke ya Makwerhu Outlaw ehenhla lahwani. Ndzi ehleketa leswaku hi swona sweswo.

²⁶⁹ Kutani ndzi vona Makwerhu Dauch na Sesi Dauch, ku suka eOhio, va tshamile lahwani. Ndzi twe Makwerhu Sothmann,

endzhaku kun'wani lahaya, a ku "amen," ku nga ri khale. Ndzi hlalerile. Valava hi van'wani lava ndzi nga va vona ni ku va tiva lahawani.

²⁷⁰ Xana mi va ngani lava vabyaka, kutani mi swi tiva leswaku a ndzi mi tivi, yimisani mavoko ya n'wina, lava mi swi tivaka leswaku a ndzi tivi nichumu hi n'wina, yimisani mavoko ya n'wina. Swi kahle. Ntsena mi va ni ripfumelo sweswi mi pfumela.

²⁷¹ Sweswi, loko ndzi mi byele Ntiyiso, Xikwembu xa boheka ku tiyisisa Rito lero leswaku ri va Ntiyiso. A hi swona xana? Hi swona. Sweswi, yaleyo yi tava yi ri ndlela leyi yi nga nyikiwa, ku ya hi leswi ndzi nga swivula madyambu lawa. Yaleyo hi yona ndlela leyi yi nga nyikiwa hi Xikwembu ya ku mi byela, "Lowu i Ntiyiso."

²⁷² Hikuva, un'wani ni un'wani wa switiva leswaku a swi koteki. Yi ngava yi ri singita leri sayense yi nga tsandzekaka ku ri hlamusela. A wu nge swikoti ku hlamusela singita. A ri hlamuseleki. Kutani loko Xikwembu xi nga vulavula lahawani, madyambu lawa, eka munhu un'we loyi a swi tivaka leswaku a ndzi tivani na vona, kutani ndzi va byela leswi va nga swi endla, kumbe leswi va nga ta swi endla, kumbe leswi a va fanele va nga swi endlanga, kumbe leswi va fanelaka ku swi endla, kumbe swin'wana, ntsena ku kotisa Yesu loyi a swi endleke loko A ha ri lahawani emisaveni. U ti tivisile hi Yexe evanhwini leswaku yaleyo i sayini ya Mesiya. I vangani va swi tivaka sweswo, mi nge, "Amen." [Nhlengletono yi ku, "Amen."—Muhleri.] Swingaleswi, kereke ya swi pfumela sweswo. Yaleyo hi yona ndlela yi ri yoxe. Vanhu, loko A tava a swi endlile sweswo, va . . .

²⁷³ Wansati u khumbile makumu ya nguvu ya Yena. U hundzulukile, a ku, "I mani a Ndzi khumbheke xana?" Hi xi nyama, A nga n'wi twanga, kambe a kuri ripfumelo ra yena leri ri nga swi endla.

²⁷⁴ Sweswi, mi nga hava na rona ripfumelo lero loko mi nga khongela mi ku, "Hosi Yesu, susa ku kanakana hinkwako loku ku nga eka mina. Susa ku kanakana ka mina, kutani u ndzi pfumelela ku swi pfumela leswi. Ndzi ni gome ra xilaveko. Kutani ndzi le kuteni, madyambu lawa, hikuva Bibele yi vula leswaku Yesu Kreste hi yena Muprista Lonkulu loyi a nga khumbhaka hi vutitwi bya vugono bya hina."

²⁷⁵ Xana a mi swi tiva leswaku, singita leri, hlori leri, a swi kalanga swi endleka kusukela loko ku tava ku file muapostola wo hetelela xana? Hi swona. Ntsena ndzi tile hi—hi . . . tibuku hinkwato ta matimu leti ndzi ti tivaka, Hislop's *Babylons*. Ndzi hlaya *Foxes Book of the Martyrs*. Ndzi hlaya pre-Nicene ya vatatana, Nicaea Council, na post-Nicaea. Ndzi ti hlayile tibuku leti hinkwato. Ku hava ni kun'we laha ndzi nga

swi vona, eka matimu ya Martin Luther, John Wesley, eka mpfuxelelo wo sungula, mpfuxelelo wa Welsh. A va ri eku rileni, va huwelela, va dzunisa Xikwembu, va hetelela hi ku vulavula hi tindzimi. Kutani leswi hi leswi a swi fanerile swi ri singita ro hetelela. Sweswo swive swo hetelela leswi Sodoma ri nga swivona ri nga se ntshwa.

²⁷⁶ Kutani tsundzukani, a Xi kalanga xi swi hlavutela eka Sodoma. Xi swi hlavuterile eka Abraham, muhlawuriwa ni mulanghiwa. Kutani nyiko a yi yi eka tikereke ta misava lahawani ehandle, loko mi nga swi xiyisisa. Yi ya eka Kereke leyi nga langhiwa. Valava hi van'wana lava va nga vuyeriwa ha yona. Hi van'wana va nga ta swi kuma.

²⁷⁷ Loko swi nga endliwa ehandle lahaya, va nga ha vula nchumu wun'we ni lowu va wu endleke loko A tava a swi endlile, "Hi Yena Beelzebub, xingomatanda." Kutani un'wani ni un'wani wa xi tiva xingomatanda, ma swi tiva leswaku sweswo—sweswo i ku hlangana nhloko hambi kuri ku swivula. A va wu tivi nawu wo sungula wa ku hlangana nhloko kumbe ku hlahluba. Walowo i ntirho wa Javulosi, a ringetaka ku kopela ntirho wa Xikwembu.

²⁷⁸ Xikwembu xi komba muprofeta; Javulosi u na vuxikarhi. Leswi mbirhi swile kusuhi swinene. Yesu u teri swi ta mphutisa Muhlawuriwa, loko swi nga koteka. I ntiyiso. Hi ni miencyento yo tala—tala. U teri, "Tani hi Jambres na Jannes va aleleke Muxe, swi tava tano nile ka vavanuna lava va nga onheka, lava sapetelaka Ntiyiso. Kambe vuphukuphuku bya vona byi ta humela ehandle."

²⁷⁹ Sweswi, hi Vito ra Yesu Kreste, N'wana wa Xikwembu, ndzi teka vayingiseri lava leswaku va va ehansi ka vulawuri bya mina, kambe hikwalaho ka Moya wo Kwetsima, hi Moya wo Kwetsima, hi Vito ra Yesu Kreste.

²⁸⁰ Ndza mi kombela, tani hi vapfumeri, mi nga ninginiki. Tshamisekani. Kutani mi ta swi pfumela leswaku Yesu Kreste wa ha ri wa tolo, namuntlha, ni hi laha ku nga heriki, leswaku ndzi lahawani ku ta tivisa mintirho ya Yena ni tindlela ta Yena.

²⁸¹ Ndzi kumekile ndzi nyenya eka swilo leswi, eka khume ntlhanu, khume ntsevu wa malembe a ndzi ri ensin'wini. Kambe ku ni nkarhi lowu taka sweswi loko swin'wani swa ha lulamisela ku humelela. Hungu ri ta ya eka tiko rin'wani, eka vanhu van'wani. Kambe loko ha hari eVukoneni bya ku Kwetsima ka Xivumbiwa...Kereke eAmerika, ndza pfumela, ntsena yi vitaniwile. Yi hetisekile, Yi hlatswiwile, Yi lunghekile, Kereke ya ntiyiso. Vutikukumuxi bya ha tama byi ri kona. Kambe Kereke ya ntiyiso ya hari Kereke ya ntiyiso, ku sungula hi swona, leyi nga tswariwa nakambe, leyi yi nga hlawuriwa eka ku vitana ka Xikwembu.

²⁸² Loko mi pfumela hi timbilu ta n'wina hinkwato, ndza mi kombela leswaku mi khongela kutani mi ku, "Hosi Yesu," etimbilwini ta n'wina, "ndzi pfumeleli ndzi khumbha nguvu ya Wena. Nakona ndzi nga swi tiva njhani leswaku Wa ha ri Muprista Lonkulu xana? Vulavula na mina hi milomo ya Makwerhu Branham. Kutani loko a tava a ndzi byerile Ntiyiso, lowu, ndzi pfumelaka leswaku u na wona."

²⁸³ Vanani ni ntiyiso leswaku ma swivula sweswo exikhongelweni xa n'wina, hikuva U ndzi byerile leswaku, "Loko u nga kuma vanhu lava nga ku pfumeleka." Sweswo ntsena kova i...n'wina... A nga ha endla mintirho yo tala ya matimba, hikuva a va N'wi pfumelanga. Mi nga pfumeli eka mina ku kotisa Yena, kambe pfumelani leswaku U ndzi rhumile. Kutani ndzi lahawani ku ta N'wi vonakarisa. U khorwisile leswaku A ri kona. I nga ku Xikwembu xi nga ndzi pfuna ku khorwisa leswaku U pfukile eku feni, Mesiya, wa tolo, namuntlha, ni hi laha ku nga heriki.

²⁸⁴ Ntsena vanani eka xikhongelo sweswi. Ndzi hlalerile ni ku rindzela. Ntsena khongelani. Kutani loko Hosi yi nga hi nyika swona, kutani ndzi ta mi khorwisa leswaku lexi i xikombiso xa nkarhi wo hetelela, xana mi ta famba eku Vonakaleni xana? Xana mi ta N'wi pfumela xana, ni kuva ni ripfumelo eka Yena? A ngayi hi ku hlonipha munhu. Ntsena vanani ni ripfumelo, minkarhi hinkwayo, hinkwako. Sweswi, loko ma ha korhamisile tinhloko ta n'wina, ndzi le ku nkhensi ka Hosi.

²⁸⁵ Hi leri Rivoni leri mi ri voneke exifanisweni. U kona lahawani kamareni leyi sweswi. Kutani ndzi Rivona eka tlhelo leri wansati loyi a nga tshama kona ra xinene xa mina. U le ku khongeeleni ka n'wana loyi a xanisekaka. Ntsena u nga kanakani. Vana ni ripfumelo.

²⁸⁶ Etlhelwesi ra ximatsi xa mina ku ni wansati, nakona u chuhwile. U chava leswi a nga na mfukudzani. U hlamarisiwile ngopfu hi swona. Ndzi pfumela leswaku a nga swi kayeli. Wansati u ringetile, nkarhi wo leha, ku manyukuta ku nghena. Wa chava. A nga humi lahawani. U huma edorobeni rin'wani. Kutani doroba ra kona i xidorobani eka leri, hambi leswi ri nga edzongeni ku suka lahawani. Ri le tlhelo ka ntshava. Rona i Tucson. Vito ra wansati i Manana Bach. Wa pfumela xana? Xana u ta amukela ku hanyisiwa ka wena xana? Swi kahle. U nga ha swi chavi nakambe. Ripfumelo ra wena ri ku hanyisile.

²⁸⁷ Wansati hi vito ra Manana Hushey. U nga rivali. Xikwembu xi nga ha khorwisa n'wana yaloye leswaku a nga na nandzu, loko u nga pfumela hi mbilu ya wena hinkwayo. U nga kanakani. Vana ni ripfumelo. Pfumela.

²⁸⁸ Wansati loyi a nga tshama lahawani etlhelo ra mina ra xinene, u le ku xanisekeni hi vuvabyi bya mbilu. Vito ra yena i Manana Cloud. Loko u nga pfumela hi mbilu ya wena

hinkwayo, amukela ku hanyisiwa ka wena, Xikwembu xa Matimba hinkwawo xi ta ku hanyisa. Xana u ta swi pfumela xana? Swi kahle. Wa pfumela hi mbilu ya wena hinkwayo.

²⁸⁹ Wansati kusuka endzhaku hi tlheloo ra xinene xa mina lahawani, hi layani yale xineneni, u ambarile swa ntima. Manana Yates, wa pfumela hi mbilu ya wena hinkwayo, kutani ku vaviseka ka wena hi nhlana swi ta suka. Oho, mina!

²⁹⁰ Ma N'wi rhandza xana? [Nhengeletano yi ku, "Amen."—Muhleri.] Xana ma pfumela eka Yena xana? ["Amen."] Xana wa hari Yena wa ntolo, namuntlha, ni hi laha ku nga heriki xana? ["Amen."] Sweswi, loko A swi khorwisa sweswo, nakona mi swi vona leswaku swi kahle, kutani vanhu lava va ni vumbhoni bya leswaku a ndzi se tshama ndzi va vona evuton'wini bya mina.

²⁹¹ Kambe, langutani, sweswi, loko mi nga teka rito ra mina leri ndzi ri vulaka, loko mi nga pfumela hi timbilu ta n'wina hinkwato ni ku tlhandlekana mavoko ya n'wina, mi ta hanyisiwa loko ntsena mi nga pfumela hi timbilu ta n'wina hi hinkwato. I xikombiso xa nkarhi wa makumu.

²⁹² Sweswi tlhandlekanani mavoko ya n'wina, n'wina lava mi yaka eku khongelaneni. Loko u ri mudyohi, tivuli swidyoho swa wena. Loko u ri la weke, tivuli leswaku u hoxisile. Loko mi vabya, tivuleni leswaku mi lava ku hanyisiwa, kutani mi ku, "Ndza Ku pfumela, Xikwembu."

²⁹³ Sweswi, Bibele a yi kalanga yi ku, "Ntsena swikhongelo swa William Branham swi ta endla leswi." Kambe U teri, "Masingita lawa ya ta endliwa hi vona lava va pfumelaka. Loko va tlhandleka mavoko ya vona eka vavabyi, va ta hola." Ma swi pfumela sweswo xana? [Nhlenegetano yi ku, "Amen."—Muhleri.]

²⁹⁴ Sweswi, i ka ngani, ndzi vile na n'wina nkarhi wo tani hi kwihi, Phoenix? Swi kwalomu ka khume nkombo wa malembe, ndzi ri karhi ndzi ta lahawani. Xana mi kale mi swivona swi nga khorwisiwi kahle xana? Swi humelela hi ndlela leyi Moya wo Kwetsima wu vulavuleke hi yona. [Nhlenegetano yi ku, "Amen."—Muhleri.] Hi ku andzisa hi magidi na magidi, ni hi minkarhi yo tala; i minkarhi yingani emisaveni hinkwayo, ya matiko hinkwawo, ni tinxaka, tindzimi, ni vanhu; i Yesu Kreste, a hi makwerhu wa wena. Nakona ndzi mi tshahela Rito ra Yena. "Masingita lawa ya ta endliwa hi vona lava va pfumelaka. Loko va tlhandleka mavoko eka vavabyi, va ta hanya."

²⁹⁵ Sweswi tlhandlekanani mavoko kutani mi khongeletana. Mi nga... Mi nga tikhongeeli sweswi, hikuva va le ku mi khongeeleni. N'wina ma va khongeleta. Kutani sweswi a hi korhamiseni tinhloko ta hina evukoneni bya muchaviseki Yesu Kreste, Loyi a ti khorwisaka hi Yexe ku va exikarhi

ka hina. Sweswi, Yena u Xikwembu xa n'wina, tani hi loko A ri Xikwembu xa mina. Sweswi mi khongerisa leswi mi khongerisaka xiswona ekerekeni ya n'wina. Khongeletani munhu loyi a tlhandlekeke mavoko eka n'wina. Tlhelani mi va khongelela na n'wina, kutani mi pfumela eka Xikwembu.

²⁹⁶ Tivuleni swidyooho swa n'wina, mi ku, "Ndzi hoxile, Hosi. A ndzi ri mukanakan; a ndzi nga havi tano. Ndzi le ku pfumeleni sweswi leswaku U ya eku ndzi hanyiseni."

²⁹⁷ "Hanyisa munhu loyi, Hosi. Hanyisa wansati loyi. Hanyisa wanuna loyi. Hanyisa wansati loyi. Hanyisa n'wana. Hanyisa xinhwanyetana, xifanyetani."

²⁹⁸ O Hosi Xikwembu, Mutumbuluxi wa matilo ni misava, xana hi nga tshama njhani lahwani, Hosi? Leswi swi fanela ku tisa Ripfumelo ra ku Vutliwa, matimba ya Xikwembu lawa ya nga ta kukula vuyingiseri hinkwabyo, Hosi, ehenhla empfhukeni, ni ka ku kwetsima ka Xikwembu.

²⁹⁹ I ngi Javulosi, loyi a boheke vanhu lava, a va ntshuxa; ehenhleni ka xi-xi xitshembhiso xa Xikwembu lexi ndzi pfumelaka eka xona, ehenhleni ka Bibebe leyi ndzi yi dyondzisaka, ehenhleni ka Xikwembu Lexi khorwisaka leswaku i Bibebe, lexi xi khorwisaka leswaku hi Xona Xikwembu xa Bibebe. Endzhaku ka magidi mambirhi wa malembe, Wa ha hanya exikarhi ka hina madyambu lawa, u pfukile ekufeni, la nga wa tolo, namutlha, ni hi laha ku nga heriki. Ehenhleni ka tshaku ra ku halatiwa ka Ngati ya Yena, ni Xivumbiwa xa Yena lexi xi hanyaka, eVukoneni, endzhaku ka magidi mambirhi wa malembe, ndzi ntlhontlha Javulosi ni mimoya hinkwayo ya yena leyi yi pfumalaka matimba ya vuvabyi na mavabyi, ntshuxa vanhu lava, hi Vito ra Yesu Kreste. Huma eka vona, leswaku va famba va ntshunxekile. Ntshuxa mudyohi ya loye. Ntsuxa muwi ya loye. Ntshuxa wanuna ya loye wa muvabyi ni wansati. Ndzi koxa ku hanyisiwa ka vona, ku ponisiwa ka vona, hi Vito ra Yesu Kreste, N'wana wa Xikwembu. Va tshire, xiphukuphuku ndzina, mubihi, moywa thyaka wa ku ka wu nga pfumeri ni ku kanakana. Suka eka kerekere leyi, eka ntlawa lowu wa vanhu, hi Vito ra Yesu Kreste. Amen.

³⁰⁰ Ndza pfumela. Ndza pfumela leswaku xikhongelo xa ri pfumelo xi khongeriwile. Ndzi mi lava mi endla swin'wani sweswi. Kona kwalaho mi nga kona, wiselani ehansi mhandzi leyti yi nga emiehleketweni ya n'wina, "Kona kwala exitulwini lexi, vusiku byebyi, loko ndzi yimile kutani ndzi twa Rito, ndzi vonile Xikwembu xi tiyisisa Rito ra Xona, xi ri khorwisa leswaku Ri kahle, xikhongelo xa ripfumelo xikhongeleriwile eka mina. Loko Javulosi a nga ringeta ku ndzi byela nakambe leswaku ndza vabya, kumbe swin'wana leswi nga hoxeka, ndzi ta n'wi tlherisela eka mhandzi leyti. Kona sweswi xikhongelo xa

ripfumelo xi khongeleriwile eka mina, nakona ndzi ponisiwile evuvabyini bya mina. Ndzi ponisiwile eswidyohweni swa mina. Ndzi n'wana wa Xikwembu, kutani a ndzi nga ha tirheli mavunwa ya Javulosi nakambe. Ndzi nandza la ntshunxekeke wa Xikwembu." Amen. Xana mi ta swi endla xana? Mi nge, "Amen." [Nhleengeletano yi ku, "Amen."—Muhleri.] Yimisani movoko ya n'wina kutani mi ku, "Ndza swi pfumela." ["Ndza swi pfumela."] Amen. Amen.

³⁰¹ Eka mina, sweswo swa swi tshamisisisa. Ntirho wu endliwile. Swi herile. Xikwembu xi vule tano, kutani sweswo swa switiyisisa. Xana Xi nga endla yini swin'wani handle ka kuva Xi tiyisisa Rito ra Xona? Loko Xi nga ri tiyisisa eka mina, Xi nga ha swi tiyisisa eka n'wina. Ma swi pfumela sweswo xana? [Nhleengeletano yi ku, "Amen."—Muhleri.] Swi kahle.

³⁰² A hi yimeni hi milenge ya hina hi Xi dzunisa, manuku, hi Xi nyika ku dzuneka ni ku kwetsima hinkwako. Amen. Swi kahle. Ku kwetsima a kuve eka Xikwembu!

³⁰³ Ndza Ku nkhesa, Hosi Yesu. Ha Ku rhandza. Ha Ku dzunisa. Hi amukela swilo leswi. Hi pfumela leswaku Wena u hi endlela swona sweswi. Wena Muponisi wa hina. Wena Muhanisi wa hina, kutani ha Ku rhandza hikwalaho ka swona. A ku katekisiwi Vito ra Hosi, hi laha ku nga heriki. Amukela vanhu lava, Hosi, kutani va pfumeleri leswaku va va malandza ya Wena ku sukela sweswi ni ku ya emahlweni, hi Vito ra Yesu.

Xikwembu a xi mi katekisi.



*KU AMUKELA NDLELA LEYI YI NGA NYIKA HI
XIKWEMBU ENKARHINI WA MAKUMU TSO63-0115
(Accepting God's Provided Way At The End Time)*

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavumbirhi ni madyambu, Sunguti 15, 1963 eChurch Of All Nations ePhoenix, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org